



上海求志書院課藝



俞蔭甫先生評閱經學

鍾子勤先生評閱史學

高仲瀛先生評閱掌故之學

劉省庵先生評閱算學

張經甫先生評閱輿地之學

俞蔭甫先生評閱詞章之學

丁丑春季課藝目錄

經學 共九篇

曾孫來止以其婦子解

林頤山

鼎俎奇而籩豆偶解

林頤山

隻輪一本作易論解

林頤山

齊后善歌解

林頤山

孝經感應章或作應感解

林頤山

又

沈祥龍

夕桀解

錢潤道

求志書院課藝

目錄

又

趙寶書

為幹卦解

張大昌

史學 共八篇

程子優管仲而劣魏徵朱子進梁公而黜荀彧榕村

語錄辨之其說何如

何松

李德裕論

何松

又

朱逢甲

又

蔡福鈞

王朴論

何松

圓內容十八等邊形以邊自乘再乘為負實方空三
邊為正廉一負隅開立方得半徑試解其理

沈善蒸

問算至近日門類日增精義日出試為綜其要端而

沈咸喜

又詳序之

輿地 共七篇

漢與匈奴爭車師論

華世芳

問漢志於郡國所治縣敘不在首者有幾

文示書院課藝

目錄

三

華世芳

海潮不至滬地說

華世芳

爾雅釋地非殷制辨

華世芳

又

王履堦

書西報土塞戰事後

華世芳

又

錢潤道

詞章 共十篇

伏生十歲就李充受尚書賦 以四代之事略無遺脫

朱逢甲

又

韓柳文

又有序

王保衡

花鬚

朱逢甲

花鬚 柳眼

沈祥龍

又 又

王保衡

又 又

唐步雲

柳眼 鬪花 點絳脣 鬪草 前調 撲蝶會 醉花陰

湯日贊

撲蝶會 南樓令 萬花輿 前調

朱昌鼎

求志書院課藝

目錄

四

花朝考

王釗

本課佳卷甚多擇其尤者刊印以公同好餘因集
錄不能全登謹將等第姓名籍貫附列於後

朱逢甲

沈祥龍

王保衡

唐步雲

朱逢甲

沈祥龍

王保衡

錄取丁丑年求志書院春季課卷甲乙姓名籍貫

經學

超等第一名林頤山浙江甯波府慈谿縣貢生

第二名錢潤道江蘇松江府金山縣學附生

第三名朱逢甲江蘇松江府華亭縣貢生

第四名鄭興森浙江湖州府歸安縣學附生

第五名趙寶書江蘇松江府青浦縣學附生

第六名何松浙江甯波府慈谿縣貢生

第七名張大昌浙江杭州府仁和縣副貢生

求志書院課藝

姓名錄

特等第一名馮崧甫浙江杭州府學廩生

第二名沈祥龍江蘇松江府婁縣貢生

第三名于爾大江蘇松江府南匯縣貢生

第四名鄭興槌浙江湖州府歸安縣學附生

第五名李經瑩江蘇蘇州府元和縣學附生

第六名華世芳江蘇常州府金匱縣學附生

第七名王保衡江蘇松江府南匯縣學廩生

壹等第一名嚴祥彬江蘇松江府學廩生

第二名王履階江蘇松江府南匯縣學附生

第三名尹熙棟江蘇松江府婁縣學附生

第四名李經邦江蘇蘇州府元和縣學附生

第五名李經樸江蘇蘇州府元和縣學附生

第六名孫傳鳳江蘇蘇州府吳縣學增生

第七名何四鏗江蘇松江府奉賢縣學增生

史學

超等第六名何松

第二名朱逢甲

第三名沈祥龍

求志書院課藝 姓名錄

第四名陳士翹江蘇松江府華亭縣舉人

第五名錢潤道

第六名嚴祥彬

特等第一名艾承禧江蘇松江府上海縣學附生

第二名蔡福鈞江蘇松江府學附生

第三名朱寶青江蘇常州府宜興縣學附生

第四名曹基鏡江蘇松江府上海縣學附生

第五名鄭興森

壹等第一名蔣星拱江蘇松江府華亭縣學廩生

第二名方式安江蘇松江府南匯縣學附生

第三名王保奭江蘇松江府南匯縣學附生

第四名周桂江蘇松江府婁縣學增生

第五名吳亮采浙江嘉興府學廩生

掌故之學

超等第一名朱逢甲

第二名何松

第三名楊象濟浙江秀水縣舉人

第四名沈祥鳳江蘇松江府婁縣學廩生

求志書院課藝

姓名錄

三

特等第一名鄭興槌

第二名郁晉培江蘇松江府上海縣學附生

第三名汪晉德安徽徽州府學廩生

第四名陳雲鵬江蘇松江府學附生

壹等第一名黃致堯江蘇太倉州寶山縣學附生

第二名王保奭

第三名錢潤道

算學

超等第一名沈善蒸浙江嘉興府桐鄉縣監生

第二名胡爾昌安徽州府歙縣監生

特等第一名梁安周江南江甯府江甯縣監生

第二名沈咸喜江蘇松江府學廩生

第三名鄭興森

壹等第一名李景蘭浙江杭州府仁和縣監生

第二名戴宗源浙江嘉興府學附生

第三名李文瀾江蘇松江府婁縣學增生

第四名郁晉培

第五名孫斌翼浙江嘉興府嘉興縣學附生

文志書院課藝

姓名錄

四

輿地之學

超等第一名華世芳

第二名王履階

第三名錢潤道

特等第一名黃致堯

第二名陳炳江蘇松江府華亭縣貢生

第三名劉慎言江蘇松江府上海縣學附生

壹等第一名黃致堯

第二名薛秉彝江蘇松江府上海縣學附生

第三名周柱

第四名倪承瓚江蘇松江府南匯縣學附生

第五名唐宜鑑江蘇松江府南匯縣學附生

詞章之學

超等第一名朱逢甲

第二名韓柳文浙江紹興府蕭山縣監生

第三名王釗江蘇太倉州鎮洋縣學附生

第四名祝雲標江蘇松江府南匯縣貢生

第五名沈祥龍

求志書院課藝

姓名錄

五

第六名湯日贊江蘇松江府奉賢縣學附生

第七名王保衡

特等第一名嚴祥彬

第二名唐步蟾浙江嘉興府嘉興縣學附生

第三名楊象濟

第四名尹熙棟

第五名陳明遠浙江嘉興府海鹽縣貢生

第六名唐步雲浙江嘉興府嘉興縣學附生

壹等第一名蔣祖齡浙江紹興府蕭山縣學附生

- 第二名朱昌鼎江蘇松江府學廩生
 第三名嚴春陽浙江湖州府學附生
 第四名王均江蘇松江府南匯縣學附生
 第五名潘譽清江蘇松江府上海縣學附生
 第六名周桂

文志書院課藝

姓名錄



第六名周桂

第五名潘譽清江蘇松江府上海縣學附生

第四名王均江蘇松江府南匯縣學附生

第三名嚴春陽浙江湖州府學附生

第二名朱昌鼎江蘇松江府學廩生

曾孫來止以其婦子解

林頤山

詩小雅甫田。曾孫來止以其婦子。箋。曾孫。謂成王也。成王來止。謂出觀農事也。親與后世子行。使知稼穡之艱難。謹案書無逸。君子所其無逸。先知稼穡之艱難。乃逸。則知小人之依。箋。意以詩人刺幽王與褒姒。伯服安於逸樂。不知小人之依。爰舉周公戒成王意。以體成王勤恤民隱之情。乃假設出觀農事。親與后世子行。使知稼穡之艱難。卽序所謂傷今思古者。主文諱諫。原非實有其事也。自王肅始竄改箋義。非特詩辭語意隔絕。又故與鄭君爲難。以妄肆

求志書虎課藝

經學

一

其非議。鄭君遂於三禮。豈不知親耕親蠶。歲有常典。今之據書說詩。以意逆志。猶周南關雎。傳后妃共苜菜。以事宗廟例也。據周禮。豆。實。共。自。醑。人。而。后。妃。深。宮。固。門。豈。有。遠。行。采。菹。之。事。亦。是。詩。人。假。設。之。言。可。知。此詩傳無詰訓。傳意亦如箋義。正義釋箋未明。又雜引王肅說。

以爲傳意當然。詩學久湮。卽傳箋亦非易通曉矣。樂不

業書無逸。君子所其無逸。先知稼穡之艱難。乃逸。則知小

人之依。箋。意以詩人刺幽王與褒姒。伯服安於逸樂。不知

小人之依。爰舉周公戒成王意。以體成王勤恤民隱之情。乃假設出觀農事。親與后世子行。使知稼穡之艱難。卽序所謂傷今思古者。主文諱諫。原非實有其事也。自王肅始竄改箋義。非特詩辭語意隔絕。又故與鄭君爲難。以妄肆

曾孫來止以其婦子解

林頤山

禮記郊特牲。鼎俎奇而籩豆偶。謹案正義所稱正鼎。鼎別一俎。當據儀禮食禮。周禮宰夫言之。其餘俎數不必從。鼎數折俎。并無定數。今特牲少牢。祇稱所俎一非正俎。若以有司徹所稱。侑俎主人俎。主婦俎。羊肉。滂俎。豕肉。滂俎。例之。則特牲有祝俎。佐食俎。主人俎。主婦俎。賓俎。眾賓俎。長兄弟俎。眾兄弟俎。內兄弟俎。肝俎。燔俎。少牢有祝俎。上佐食俎。下佐食俎。肝俎。燔俎。卽有司徹又有賓俎。眾賓俎。兄弟俎。眾兄弟俎。內賓俎。私人俎。羊。豕。滂俎。豕。豕。滂俎。滂魚。求志書院課藝

經學

二

俎。肝俎。燔俎。亦不止六俎。且引掌客禮器以爲籩與豆同。而周禮掌客有豆無籩。禮器注據聘禮食禮。亦有豆無籩。又以士喪注小斂一豆一籩爲不同於吉。而冠昏餘射燕聘薦脯醢亦皆一豆一籩。鄉飲酒義單言豆。或卽兼籩。籩人朝事八籩。饋食亦當用八籩。不止六籩。然自其一處並陳而言。則正鼎陪鼎。正俎折俎。薦籩。羞籩。薦豆。內羞豆。庶羞豆。皆合奇偶數也。士昏陳三鼎。士喪小斂陳一鼎。皆用特豚。既夕大遣奠陳五鼎。有司徹陳三鼎。皆用少牢。聘禮設餼。任一牢。鼎九。羞鼎三。注。羞鼎也。陪鼎也。上介任一牢。鼎七。羞鼎

三陳饗。腥二牢。鼎二七。土介腥一牢。鼎七。皆用太牢。周禮
宰夫掌客。鼎十有三。卽聘禮牢。鼎九。羞鼎三。合計之爲十
二。腳。臠。臠。陪牛羊豕。以三列分陳之爲九。爲三。腥。鼎二七
合計之爲十四。亦以二列分陳之爲七。七皆奇數也。土冠
者殺。合左右胖爲一組。士昏饋舅姑。分左右胖爲二組。舅
姑異席。其所陳實各一組。鄉飲酒。賓組介組。主人組。尊者
組。皆設折組。其所陳亦人各一組。士喪大斂三組。其所陳
二並一特。豚當醢豆魚次之。腊特于組北。既夕大遣奠五組。其所陳二二
爲列一特。組二以成。南上。不脩特。鮮歌。食禮七組。其所陳二三爲列一

求志書院課藝

經學

三

特。牛羊豕魚在牛南。腊腸胃亞之。膚以爲特。上大夫九組。其所陳三三爲列無

特。注。組加鮮魚鮮腊。三三爲列無特。特牲所組載心舌。後設先徹爲所尸

而特陳。郊特牲。所之爲言敬也。士虞肝組燔組。羞燔組。注。肝在燔東。有司徹

羊肉。滫俎。羊七。滫俎。豕肉。滫俎。豕七。滫俎。滫魚俎。尸祭。齊

後皆執虛俎以降。不與牲俎並陳。所陳之俎亦皆奇數也。

特牲所組。雖與牲俎並陳。而設於腊北。不設於腊西。組入設于

豆東。魚次。腊特于組北。又主人羞所組于腊北。明是所尸特陳。不與牲俎爲列。且

尸之俎實盛於所組。注。佐食盛所組。釋三介。與少牢祝俎四物共俎

同。疏。據羊豕魚腊。又特牲少牢所尸用俎。士虞用筐。注。筐猶吉祭之有所組。

與有司徹羞。涓用俎。少牢。養進。涓用豆。同。又進二豆。所俎

涓俎。肝。燔。俎。為盛物之俎。又即與稻米之豆。受齋之籩。薈

脯之鼎。同。以籩受禮記內則以小鼎。薈脯于其中。其所陳

皆與正鼎。正俎。正籩。正豆。不相干涉。正義謂鼎俎奇一處

並陳。則籩豆偶亦一處。並陳可知也。特牲兩籩兩豆。士禮

用二。其所陳兩兩分列為偶。薦兩豆。葵。菹。羸。醢。醢在北。兩

外列。既夕大遺奠。四籩四豆。加一。等。大夫用四。其所陳

四。四分列為偶。豆南上。箱。籩在羸。醢南。北上。聘禮夫人致

禮六籩六豆。諸侯用六。其所陳六六分列為偶。二以並。周

文志書院課藝 經學 四

禮籩人醢人朝事籩豆饋食籩豆加籩豆皆八籩八豆。據

儀禮所陳。天子用八亦八八分列為偶。籩與籩偶。豆與豆

偶。惟一籩一豆。乃籩與豆偶。自天子已下小事飲酒。周禮

稍事注讀為小事。凡稱薦脯醢者皆為一籩一豆。鄉射記。脯用籩

鄉射獻釋獲者。注籩在東。豆在西。其所陳獨一一並列為

偶。鄉飲酒義六十者。三豆。據有司徹疏引禮緯六十已上

籩豆有加。周禮黨正疏六十已上。其籩豆之實。醢食。糝食。羞。籩之

禮內羞。據周禮二籩二豆。注。羞豆之實。醢食。糝食。羞。籩之

中。凡備其所陳或籩與籩偶。豆與豆偶。是所陳之籩豆皆

偶數也。少牢四豆。食禮六豆。上大夫八豆。又鄉飲羞二豆。

乃羞注。狗。豕。醢。醢。燕。禮。疏。注。云。載。醢。明。二。豆。無。餘。物。士虞庶羞四豆。食禮庶羞十六

豆。上大夫庶羞二十豆。又周禮掌客上公豆四十。禮器天

子之豆二十有六。皆有豆無籩。而豆自為偶。有司徹亞獻

糗脩二籩。糗。脩。在。黃。西。脩。在。白。西。有籩無豆。而籩自為偶。猶士冠乾肉

折俎。士虞餞尸乾肉折俎。有俎無鼎。儀禮聘禮周禮掌客

有鼎無俎。而鼎俎各自為奇也。是鼎俎所陳之列皆合於

奇數。籩豆所陳之列皆合於偶數也。至若特牲注。凡俎實

之數奇。既夕注。籩豆偶。而為具。具則於饌巾之。凡此皆即

求志書院課藝 經學 五

一處並陳之數。所充類以及者。姑略而弗解。解其足以補

正正義者如右。

禮記卷之四十五 禮記卷之四十五 禮記卷之四十五

禮記卷之四十五 禮記卷之四十五 禮記卷之四十五

禮記卷之四十五 禮記卷之四十五 禮記卷之四十五

禮記卷之四十五 禮記卷之四十五 禮記卷之四十五

禮記卷之四十五 禮記卷之四十五 禮記卷之四十五

禮記卷之四十五 禮記卷之四十五 禮記卷之四十五

禮記卷之四十五 禮記卷之四十五 禮記卷之四十五

隻輪一本作易輪解

林頤山

公羊僖三十三年傳。匹馬隻輪無反者。釋文。隻輪如字。一本又作易輪。董仲舒云。車皆不還。故不得易輪。轍謹案。輪猶轍也。楚辭。思古注。軌車轍也。呂覽。勿躬注。車兩輪。問曰。軌軌訓轍。又訓輪。輪亦有轍訓。說文新附。轍車迹也。車部。軌車迹也。廣雅。釋詁。作軌。通作從周禮。大董君。疊輪轍字。以轍訓輪。易輪即易轍也。司徒注。輪從也。左莊十年傳。長勺之戰。齊師敗績。轍亂。旗靡。今殺地。欽巖。本傳必于僅容一轍。兩車不得並行。併欲轍亂而不得。是殺之欽巖。以秦師不得於故轍之外。復易一轍而反也。匹馬釋文不

求志書院課藝

經學

六

載董說。以意推之。車乘四匹。今曰匹馬。當是單騎。史記蘇秦傳。騎萬匹。左宣十二年傳。邲之戰。趙旃以其良馬三濟。其兄與叔父。自古容有師敗棄車。跨一馬為單騎者。正馬易輪無反者。蓋言秦師既敗之後。四馬不得行。改從單騎。故道不可循。別尋他轍。然卒無反者。正見秦軍之盡覆也。史記韓信傳。信東下井陘。廣武君說成安君曰。今井陘之道。車不方軌。騎不成列。彼退不得還。吾奇兵絕其後。呂覽有始。似井陘與殺為九塞之二。注險阻曰塞。案欽何注亦訓險阻。據此則楚辭呂覽注。以軌訓輪。轍。史記以騎稱匹。前已其意。蓋與

晉人要繫於轂。使秦師無易轍之車。單騎之馬。而還反者。同彼何注以匹馬訓一馬。一馬卽單騎。或如董說而釋文。隻騎一本作易。騎知何注本亦作易。易隻聲近。詳經義述聞讀易爲隻。訓易爲騎。今本遂誤易作隻。又穀梁傳范注漢書五行志。顏注並訓爲隻。詳經義雜記漢書李尋傳顏注亦依今本作隻。竊意車必兩輪始可行。一隻之輪斷無可反之理。終不及西漢時古本古義爲允矣。

求志書院課藝

經學

七

本中... 卷之... 一... 二... 三... 四... 五... 六... 七... 八... 九... 十... 十一... 十二... 十三... 十四... 十五... 十六... 十七... 十八... 十九... 二十... 二十一... 二十二... 二十三... 二十四... 二十五... 二十六... 二十七... 二十八... 二十九... 三十... 三十一... 三十二... 三十三... 三十四... 三十五... 三十六... 三十七... 三十八... 三十九... 四十... 四十一... 四十二... 四十三... 四十四... 四十五... 四十六... 四十七... 四十八... 四十九... 五十... 五十一... 五十二... 五十三... 五十四... 五十五... 五十六... 五十七... 五十八... 五十九... 六十... 六十一... 六十二... 六十三... 六十四... 六十五... 六十六... 六十七... 六十八... 六十九... 七十... 七十一... 七十二... 七十三... 七十四... 七十五... 七十六... 七十七... 七十八... 七十九... 八十... 八十一... 八十二... 八十三... 八十四... 八十五... 八十六... 八十七... 八十八... 八十九... 九十... 九十一... 九十二... 九十三... 九十四... 九十五... 九十六... 九十七... 九十八... 九十九... 一百...

齊后善歌解

林頤山

孟子告子下。縣駒處於高唐而齊右善歌。文選吳趨行齊
 娥且莫謳注。引孟子作縣駒處高唐而齊后善誦。謹案列
 子湯問。昔韓娥東之齊。過雍門。鬻歌。故雍門之人至今善
 歌。蓋吳趨行所稱齊娥。當卽韓娥。韓娥之齊。故亦稱齊娥。
 也。說文言部。謳齊歌也。之齊鬻歌。故變歌言謳也。陸士衡
 用列子語。非用孟子語也。今李注引孟子作齊后。以齊后
 訓齊娥。乃唐時所見偶一之誤本。唐徐堅初學記樂部歌
 四縣駒下云。處高堂而齊右善歌。又以齊右郢中作對語。
 文選書院課藝 經學
 則唐時亦遵用趙注本作齊右矣。

入

孝經感應章或作應感解

林頤山

孝經感應章釋文本今作應感章。謹案釋文敘錄今隨俗用鄭注十八章本。據此知釋文所釋經文注文以及十八章分章標題皆鄭注本也。釋文既以鄭注爲今本不應鄭注外別有一今本也。校釋文所釋經文注文例有云本作某本或作某本亦作某一本作某者多與今唐經注本不合。有云本今作某者悉與今唐經注本合。然則釋文十八章分章標題不載異本。獨於感應章下云本今作應感章。乃今唐經注本作應感章爲唐以後校釋文者所增入。非

宋志書院課藝

經學

九

釋文原文也。阮相國校勘記所見唐石臺本唐石經本並作應感章。益知應感章爲今唐經注本。而感應章爲釋文隨俗所用之今本。卽十八章之鄭注本矣。淮南原道感而應之。孝經爲明王立言。天地神明必旣感始有所應。當依鄭注本作感應。今唐經注本誤倒。釋文書文時言云本并林頤山經學總批

考證詳明心思又能深入自是好學深思之士

孝經感應章或作應感解

沈祥龍

孝經感應章。石臺本唐石經岳本作應感。正義亦作應感。今本作感應者。依鄭注本改。非正義本也。夫鄭注之偽。唐劉知幾辨之甚詳。其作感應者。安知非兩字顛倒之譌乎。案感應與應感不同義。感應二字始見於易咸卦曰二氣感應以相與。應感二字始見於禮樂記曰應感起物而動。蓋感應者言我能感人使應也。重在感。應感者言人能應我感也。重在應。觀孝經前數章皆言盡孝是感之實。而此章極言孝之效驗。是應其感也。如曰通於神明。見天地陰

文志書院課藝

經學

一

陽之亦應。曰光於四海。見遠近內外之皆應。此卽所謂應感也。然則今本何以作感應。曰蓋見經文先言感而後言應也。不知文雖先感後應。而意則重應。故作感應不如作應感爲當。

能以意運化舊說自佳

夕桀解

錢潤道

周禮保氏九數。鄭司農云。九數。方田。粟米。差分。少廣。商功。均輸。方程。贏不足。旁要。今有重差。夕桀。句股也。釋文云。夕桀。此二字。非鄭注。賈疏云。九數。方田以下。皆依九章。言今有重差。夕桀。句股。此漢法增之。馬注以爲重差。夕桀。夕桀。亦是算術之名。此鄭注釋文賈疏之言也。按歷代算書。均無夕桀之名。屠繼序以爲夕桀。乃互桀之譌。桀卽古乘字。算法有互乘法。其言最爲有理。惟嘗考九章算術與周禮。鄭注九數。校而核之。竊欲更參一解焉。宋楊輝訓解九章算法。引古本九章。言九章。一方田。二粟米。三衰分。四少廣。五商功。六均輸。七盈不足。八方程。九句股也。鄭司農所言九數。一方田。二粟米。三差分。四少廣。五商功。六均輸。七方程。八贏不足。九旁要也。八者皆同。惟句股與旁要不同。故禮記少儀孔疏云。去旁要以句股替之。漢九數。卽九章也。按贏不足。卽盈不足。贏盈同也。衰分。卽差分。差分之差。讀初佳反。音釵。不齊等也。衰分之衰。亦讀初佳反。音釵。等差也。國語言相地而衰征。是也。衰差同也。鄭言重差。亦卽差分。禮少儀疏云。鄭司農指漢有重差。重差與差分一也。

按重差既卽差分。句股既卽旁要。九數既與九章悉合矣。然則夕桀究於九章何居乎。竊考差分二字之義。差者。差其等第。分者。分而相乘也。夕桀二字。當是分乘二字之訛。曰重差分乘者。卽差分也。簡其辭而合言之。曰差分。詳其辭而析言之。曰重差分乘。其實一也。曰重差者。重疊其差等。言差也。曰分乘者。分別其乘法。言分也。知重差分乘卽差分。則知九章與九數悉合矣。夕桀與分乘以字之形近而訛。屠繼序謂是互乘之訛。不若謂是分乘之訛。於差分之分字爲尤當也。且差分之用分乘法。請卽以差分算法證之。如九章之衰分。牛馬羊食苗償粟一術云。問牛馬羊食入苗。苗主責之粟五斗。牛食馬之半。馬食羊之半。欲衰償之。答曰。牛二斗八升。七分升之四。馬一斗四升。七分升之二。羊七升。七分升之一。試用淺言。明其算法。羊食一爲一數。馬倍之爲二數。牛又倍之爲四數。此重疊之差等數也。合一二四則爲七。立以爲率。以七除粟五斗之五數。卽羊粟數。以三乘之。卽馬粟數。以四乘之。卽牛粟數。分二以乘。分四以乘。卽所謂分乘也。卽所謂重差分乘也。卽所謂差分也。乃屠繼序據劉徽九章算經序。言重差施於望高。

測深句股以重差爲率。遂謂重差乃句股之變。與差分別。而以禮記疏謂重差卽差分爲非。按屠說非也。九章各術多有諸法。可以相通。楊徽之九章纂類可證。如纂類中衰分一十八問。通於均輸者九問。若九節竹一問。則尤衰分之通於方程也。九章中衰分二十問。其法不一。況如續古摘奇算法及算法通變。算法統宗諸書。言差分之法。尤無奇不有。豈但差分中之望高測深。算法通於句股哉。差分卽重差。乃或以晉夏侯陽海島算經爲重差。謂重差非卽差分。誤矣。不知重差卽差分。海島算經第差分中之一術。

求志書院課藝

經學

三

論差分者。豈可泥一說以拘之哉。馬融謂今有重差夕桀。夕桀亦是算術之名。此季長所云夕桀亦分乘二字之訛也。不然。何以古今算書無所謂夕桀哉。然則重差夕桀爲重差分乘之訛。實卽九章中之差分可決矣。

之數頗有見

夕桀解

趙寶書

周禮地官保氏九數。鄭司農謂自方田至旁要凡九。今有重差夕桀句股也。賈疏引馬注作今有重差夕桀。釋文亦云夕桀二字非鄭注。是鄭注無夕桀。馬注無句股。今本並有者。後人依馬注增入鄭注耳。案夕桀後惟秦九韶數學九章第四篇望敵圓營術有其名。云以句股求之。夕桀入之。亦卽句股容圓術也。重差者重疊測望而知其差也。旁要夕桀。蓋皆測望中之一事。旁要測方夕桀。測圓夕桀。云者。廣雅釋詁云夕表也。王氏疏證引呂氏春秋明理論是。正坐於夕室也。注云言其室邪夕不正。桀者揭也。文選謝靈運擬劉楨詩注。桀與揭音義同。又東京賦薛注。揭猶表也。蓋樹表而邪望之。卽劉徽海島算經序云。瓜離者是錢氏養新錄疑爲互乘之譌。然互乘爲算家通法。不得另列一章。且雜出於重差下也。

有見解

爲幹卦解

張大昌

說卦傳離爲乾卦。釋文鄭云乾當爲幹。陽在以能幹正也。蒙按上云其于人也爲大腹。此句亦指人之身體言。幹者脇骨也。左昭二十五年傳惟是楯柎所以藉幹者。注骸骨也。公羊莊元年協幹而殺之。注脇也。爾雅釋畜在幹。第方注脇也。儀禮少牢禮舉尸牢幹。注正脇也。是幹之訓骨。經傳具有明徵。說卦傳廣推卦象言其於人也。惟巽坎離三卦。巽云其於人也爲寡髮爲廣顙爲多白眼爲利市三倍。其究也爲躁卦。坎云其於人也爲加憂爲心病爲耳痛爲

求志書院課藝

經學

五

血卦上曰其於人也下必言卦以止之。明以下則非言於人矣。卦字承上爲文。亦於巽坎離三卦外不復言爲卦。脇骨在腹左右而虛其中。於離象相合且離象爲甲冑爲戈兵取其剛之在外。若脇骨在人所以衛腹亦是剛之在外。又云爲蟹爲龜爲蚌爲龜是介屬以骨幹在外。故象離此言幹而訓骨。與上下取象均自一例。坎與離對舉。故在坎爲血。血主陰。人藉以固形。是陰中之陽。離爲脇骨。骨主陽。人藉以藏髓。是陽中之陰。鄭言幹正。殆以脇骨之正爲言。歟。惠氏棟說幹字訓爲樹幹。引列子木葉幹殺爲證。竊於

說卦上下文釋之義既不合。且與其本也爲科上槁相複。恐未足據。

以意說經饒有見解

求志書院課藝

經學

卷



入元爲... 上下取... 文辭之... 且與其本也爲科上槁相複... 恐未足據... 以意說經饒有見解... 求志書院課藝... 經學... 卷

程子優管仲而劣魏徵朱子進梁公而黜荀或榕村

語錄辨之其說何如

何松

死生出處之間。士之大節存焉。不難於辨其相反。而難於辨其相似。有相似而彼此均非者。有相似而彼此均是者。有相似而彼是此非者。平心論之。而後千古之是非乃定。管仲不死子糾而相桓公也。程子以爲桓兄糾弟糾當死。而仲不當輔糾以爭國。榕村辨之。以爲皆爲庶孽。則孰弟孰兄。可以不論。當子糾出奔之際。仲不過相從奔竄耳。無所謂君臣也。子謂桓兄糾弟三傳無明文。管子序子糾於小白之上。莊子荀子韓非子俱有桓公殺兄之文。唯薄昭以漢文之故諱兄稱弟。則糾之爲弟誠未可據。榕村辨之當矣。總之仲可以死。可以無死者也。故夫子仁之。魏徵之傳建成。高祖命之。命之者。命徵爲太子傅也。昔者荀息死奚齊之難。君子許之以忠。所謂不忘君命者也。雖庶孽猶不棄。而況建成固堂堂太子乎。榕村之論管仲。謂如豫讓之不死於中行。魏徵之不死於李密。人並不以爲非。夫徵不死。李密人不以爲非。徵不死。建成尙得謂之是非乎。程子之劣魏徵也。劣其失節也。不得以功藉口也。並不得以述

似管仲藉口也。此則程子是而辨之者非也。梁公之事武氏也。謂爲失節於武氏者。蓋未窺見其用心之所在也。方高宗未崩。親以政授武氏。天下稱爲二聖久矣。中宗庸闇。甫立更廢。睿宗中下之材。亦甫立更廢。遂乃惑羣小之邪言。大殺宗室。而且拜洛受圖矣。服袞冕大享神宮矣。前後殺三宰相矣。除唐宗屬籍矣。改正朔。改國號。改宗廟。儼然南面而稱皇帝。是時也。唐胄存亡未堪預卜。一時仗義討罪者。又復前後中蹶。其明哲保身者。不過掛冠而去。以辭官守之責焉耳。苟無人焉。身抱不韙之名。委曲調護之。則

求志書院課藝

史學

六

廬陵王與豫王者。不喪於武氏。必喪於三思承嗣之手。然則唐室之不亡。伊誰之力哉。朱子進之榕村。恕之皆是也。蓋貞觀之治。或可以無鄭公。而垂拱之朝。必不可無梁公也。至榕村之論荀彧曰。文若猶爲漢臣。未爲魏臣。至自戕其生。以求免於大惡。其志可悲。而朱子罪之不已。謂其爲唐衡堦文若。方二歲。唐衡已死。則結親乃其父爲之。何以爲文若罪哉。此平允之論也。蓋文若初佐曹操。削平禍亂。操未遽有逆謀也。卽爲逆謀。而文若不與聞。及加九錫。文若卽憤恚死。然則不得謂其共謀篡弒也。孔明以曹操爲

挾天子之令周公瑾謂操雖漢相實則漢賊文若唯無二
子之識故失身至此而要其心則無他也程子責楊子雲
不能見幾而朱子黜荀文若綱目不書其死嗚呼或之冤
其誰白哉吾因之有感矣假使管仲不得夫子之論定則
後世之議論未可知也若魏徵若狄仁傑若荀或者苟生
三代以前一經聖賢評論何至是非無定衡而論辨不已
轉起疑議哉甚矣人固不易知而論人尤非易事也

折衷至當日光玉潔之文

求志書院課藝

史學

光

此卷之文皆屬目下書其或與之
求志書院課藝
史學
光

李德裕將才也。非相臣也。古之稱良將者曰勇。曰謀。曰義。曰信。非勇無以任重。非謀無以行權。非義無以鋤姦。非信無以服遠。四者具備。則事出萬全。而可以專閫。然則以是四者入相。可乎。曰。體之以恕。行之以寬。庶幾君心不疑。而同列不至猜忌。出可以攘夷狄。入可以靖朝廷。內外交依。卓然爲一朝輔。彌然而唐臣之兼此者。郭令公一人而已。餘皆得半而不全也。維州之降也。德裕旣得之。卽發兵以守。且陳出師之利。非有大勇者。烏能行之。決斷若是。其鎮

西川也。以雄邊子弟。創制興功。所作之城。三曰仗義。曰禦侮。曰柔遠。復叩嶮關。徙雋州治。定漕運之期。令民不苦炎暑。其謀之見於無事之秋者。旣如此。昭義節度使劉從諫薨。其子稹自爲留後。德裕言於帝。以爲劉悟之死。授從諫兵。今從諫死。復以兵權擅付豎子。他日諸鎮效尤。天子威權不復行矣。於是詔兩鎮協力同攻。而澤潞得以無事。其謀之見於變故之際者。又如彼。至於斬郭誼。王協等於京師。面諭三鎮。俾自奮忠義。以結主知。非義信早孚。安見豪強俯首。令出必行。哉。假使德裕當日挾四者之長。而恢之。

以休休有容之度。度其可否。以進退人材。小有嫌怨。則釋之。小有瑕疵。則掩之。必大奸大惡。如牛僧孺者。然後昌言以明正其罪。庶幾人服其所行之公。與其所言之正。而黨惡可以不作。夫如是。則相道得而不失。爲公輔器矣。且夫川澤納汗。不失其爲大山。藪藏疾。不害其爲宏古。大臣立朝。羣才皆樂爲用者。寬與恕之謂也。德裕質性孤峭。而絕惡太嚴。嫉其所不必嫉。并其當嫉者。不勝嫉矣。且嫉人者。轉而嫉已。而此身遂不能一日安於朝廷之上。故其所遇之主。雖不必皆聖明。而德裕所言多從。唯爲讒構。迭興。旋

文志書院課藝

史學

三

進旋退。而德裕始終不悟。卒至黜死海上。抱冤不伸。悲夫。不然。丹扈六箴。言皆有物。以此格君心。而佐治。要亦何難。何至同寮離心。動輒掣肘。以邊垂赫赫之功。名不能稍伸。謀議於揆席。以坐致太平。非但不敢媿美。汾陽卽欲與裴晉公比績。難矣。吾故曰。李德裕將才也。非相臣也。

器識旣正文。亦浩乎沛然的是合作

李德裕論曰與之黨尚風節與之黨尚朱逢甲

德裕君子也賢相也。而或以牛李立黨少之。不知李黨多君子。牛黨多小人。李為君子之朋。牛為小人之黨。故李相則治。牛相則亂。史可覆案也。夫德裕其父則吉甫。固賢相也。其薦則裴度。又賢相也。德裕亦賢相也。度之薦德裕。卽歐陽子朋黨論所謂君子之朋也。目之為黨。可乎。君子之朋。惟恐不多。小人之黨。惟恐或有。使君子小人不分。卽朋與黨不辨矣。牛黨如李宗閔。李逢吉。王涯。賈餗。舒元興。李訓。杜棕。七相。及王守澄。仇士良。諸宦官。與八關十六子。皆

求志書院課藝

史學

五

小人也。禍及國家者。也。德裕甯有是耶。夫德裕歷事穆宗。敬宗。文宗。武宗。宣宗。五朝。當穆宗時。原黨之所由起也。牛僧孺。李宗閔。對策。譏切吉甫。毀其賢父。為之子者。能無憾乎。僧孺宗閔之譏。小人之讒也。德裕之憾。君子之直也。且惡父讐孝也。范祖禹唐鑑曰。唐之朋黨。始於僧孺宗閔之對策。而成於錢徽之貶。由主聽不聰。君子小人雜進。不分邪正。以黜陟之聽。傾軋以養成也。其言是也。李則正。而牛則邪。倘嚴辨而黜陟之。則君子之朋進。小人之黨退。復何有黨耶。祖禹又曰。漢之黨尚風節。唐之黨尚勢利。此言未

是當云李之黨尙風節牛之黨尙勢利庶得其實耳如穆宗朝牛入相與宗閔力排德裕裴度並出之於外而與李逢吉及李訓等八關十六子勢傾朝野賄賂公行此牛黨之尙勢利也德裕甯有是乎迨敬宗立以韋處厚言復相裴度而德裕遂獻丹宸六箴曰宵衣正服罷獻納誨辨邪防微而辨邪一箴尤爲痛切此德裕格君心之非忠也至文宗卽位裴度薦德裕可相而李宗閔以宦官助得相出德裕引牛入相同排德裕至七年文宗始相德裕文宗與德裕論朋黨言楊虞卿交結權要宗閔言臣素知故不與

求志書院課藝

史學

三

美官德裕言給舍非美官而何宗閔失色遂罷宗閔相此德裕之正直也是年德裕言元宗以臨淄王入定內難疑忌宗室不令出閣幽閉骨肉天寶建中爲安祿山朱泚魚肉由聚於一宮也請聽宗室年高屬疎者出閣且除諸州上佐使攜男女出外婚嫁此誠宰相之言敦本之要至仁之嘉謨也明年又相宗閔出德裕用李訓而遂致甘露之變武宗卽位復相德裕德裕又言致治之要在辨羣臣之邪正正人如松柏特立不倚邪人如藤蘿非附他物不能自起此德裕以松柏自比而以藤蘿比牛黨也又言臣等

有罪。陛下當面詰。小過則容。俊改。大罪則加誅。譴如此。君臣之際。無疑間矣。此誠賢相之言。卽書所謂任賢勿貳。去邪勿疑也。惟先正其本。而君臣一德。所以能致會昌之功。烈也。於是仲武立功。則授盧龍之節。以安之。劉稹妄請。則發諸道之兵。以討之。又陳貞元以來。行軍致敗之三弊。而詔旨必由宰相。監軍不得牽制。將帥得以自專。遂立大功。且元和用兵。宰相不休。沐繼火。乃罷。會昌用兵。德裕仍休。沐午漏卽還。裁決警奏。行所無事。誠救時之相才也。又如諭邊庭之吏。使無異志。革匿名之奏。以杜欺罔。諫幸道士求志書院課藝

史學

言

趙歸眞。斥佞幸也。嚴禁容納五臺僧。絕異端也。相業之可稱者多矣。乃宣宗卽位。白敏中排之。使李咸訟之。吳汝訥訟之。而致貶崖州以死。君子惜之。所以讀史而三歎息也。夫綜德裕生平之相業而論之。固賢相也。固君子也。德裕與裴度爲君子之朋。而可與牛僧孺小人之黨。並目爲黨乎。唐鑑謂裴度相憲宗。德裕相武宗。皆有功烈。爲唐賢相。誠是。又言牛僧孺李宗閔之黨多小人。德裕之黨多君子。其言亦是。乃又曰。然因私以滅公。挾勢以報怨。則一也。噫。唐鑑此言非矣。夫因私以滅公。挾勢以報怨。牛黨則有之。

德裕何有哉。李仲言楊嗣復皆牛黨也。而德裕一阻之一
救之。固大公無我。無偏黨之心也。文宗欲用李仲言。德裕
阻之。以其小人而惡之。非以黨人而排之也。仲言卽李訓
初以罪流象州。及赦還。爲宗閱謀復相。賂鄭注。見守澄。資
緣宦官以進。此何等入乎。乃德裕不可。而王涯曰。可。涯固
草諫疏。而畏勢中變也。德裕力諫。因之罷相。乃後李訓因
守澄進。而卽殺守澄。賂鄭注進。而謀殺鄭注。因宦官進。而
又謀殺宦官。仇士良等陰險反覆。機事不密。遂致害成。而
有甘露之變。大臣駢戮。天子綦危。王涯亦死於難。涯固前
求志書院課藝。史學
謂李訓可用者也。嗚呼。德裕早言姦邪誤國矣。燭於幾先
矣。使納其言。甯有是耶。是德裕諫用。因其小人而阻之。非
因黨人而排之也。夫豈因私害公哉。又如宰相楊嗣復。李
珣與杜悰。固牛黨也。而仇士良謂帝立非嗣復。與珣意。武
宗欲殺之。杜悰奔告乞援。德裕卽疏救之。延英召對。至流
涕以爭。乃得竟釋。以此觀之。德裕救牛黨。德裕豈排牛黨
哉。夫豈挾勢報怨哉。若夫因私害公。挾勢報怨。牛則有之。
牛排德裕。排裴度。是挾勢報怨。又德裕招降吐蕃將悉怛
謀以維州內附。而牛不受降。送吐蕃誅之。是壞國是也。此

因私害公也。乃唐鑑謂德裕自爲朋黨而欲破朋黨。矜而爭羣。而黨豈其然乎。而有不能不爲德裕惜者。知人之明。有不盡然。德裕不用丁柔立。而德裕之貶。柔立疏言其寃。至於亦貶。則不知君子也。又武宗欲相白居易。固君子也。而德裕言居易衰病。不任朝謁。引用其弟白敏中。謂學識不減居易。乃後敏中相。而爲兄修怨。遂排德裕。貶崖州。敏中固小人也。德裕阻居易而引敏中。此不知小人也。此短於知人之明也。此不必爲德裕諱也。至若唐張固幽閒鼓吹。稱德裕對杜棕。稱小人。聞御史大夫命。驚喜泣下。胡致求志書院課藝。史學堂已辨之。謂德裕豈有是。杜棕李宗閔之黨。故造此語。以陋文饒。史誤取之。以德裕爲人大概觀焉。無此事必矣。通鑑亦載之。失於鑿裁也。唐書李德裕傳云。裴度薦材堪宰相。李宗閔以中人助先秉政。出德裕。引僧孺。協力罷度。政事二怨相濟。凡德裕所善。悉逐之。於是二人權傾天下。黨人牢不可破矣。案此唐書本傳之文。固謂牛僧孺李宗閔爲黨。不謂德裕裴度爲黨也。德裕與度。固君子之朋。豈小人之黨哉。竊謂牛李之黨。牛指僧孺。李當指李宗閔。李逢吉言。不當指德裕言。君子曰。朋。小人曰。黨。德裕君子之朋。

不可謂黨德裕固賢相也君子也

詳明茂密章法秩如

求志書院課藝

史學



三

事二... 人半不可... 入之... 不可... 德裕固賢相也君子也

李德裕論蔡福鈞

夫。人。必。有。非。常。之。才。而。後。可。以。謀。國。是。亦。必。有。非。常。之。量。而。後。可。以。保。令。終。伊。古。以。來。兼。之。者。卒。鮮。何。哉。方。德。裕。之。在。徽。宗。朝。也。不。免。為。李。宗。閔。半。僧。儒。所。抑。然。在。浙。西。則。獻。丹。展。六。箴。在。西。川。則。圖。蜀。地。形。訪。南。詔。吐。蕃。險。要。講。習。邊。事。不。懈。於。職。誠。有。文。武。才。裴。度。欲。薦。以。為。相。不。為。過。矣。及。既。為。相。欲。討。澤。潞。即。令。幽。州。河。朔。兩。鎮。進。兵。使。各。懷。其。德。畏。其。威。四。境。晏。然。無。復。有。安。祿。山。史。思。明。之。變。而。又。請。敕。監。軍。不。得。預。軍。政。故。將。帥。有。功。凡。所。設。施。綱。張。目。舉。信。賞。

文。示。書。院。課。藝。史。學。

三

必。罰。駸。駸。乎。幾。於。治。矣。夫。當。時。宦。官。之。禍。自。宋。申。錫。被。誣。李。訓。鄭。注。被。殺。北。司。之。勢。益。張。幸。薛。元。賞。李。石。鄭。覃。扼。之。於。前。德。裕。鎮。之。於。後。雖。不。能。盡。削。其。權。而。終。德。裕。之。世。尚。不。至。為。患。誠。使。德。裕。開。誠。布。公。不。念。宗。閔。讎。父。之。仇。其。所。引。用。之。人。亦。視。其。賢。否。以。為。棄。取。豈。不。甚。善。乃。李。中。敏。能。折。仇。士。良。蔭。子。之。請。德。裕。以。為。楊。嗣。復。黨。出。之。不。思。引。為。裁。抑。宦。官。之。助。此。其。失。一。也。白。居。易。清。修。忠。諫。上。欲。用。以。為。相。乃。反。薦。其。弟。敏。中。致。後。受。其。竭。力。擠。排。之。禍。此。其。失。二。也。章。宏。質。言。宰。相。權。重。不。應。復。領。三。司。錢。穀。已。為。宰。相。

忠厚長者之道。有益於治世。而無濟於亂世。精明剛斷之
才。有用於亂世。而未嘗無補於治世。當夫貞下起元之會。
否極將泰之時。天必生一人焉。以挽回造化。而拯濟生靈。
其識見。往往高出於什伯庸流之上。而其議論之允當。確
然皆可施行。卽一時行之不盡。而他年之接踵而起者。總
不出其所料之外。此則所謂命世之才。而非僅僅忠厚者
之可同日而語也。吾觀王朴生五代之季。去楊邢而就周
世宗。可謂智矣。怒庸校弛慢而力斃之。可謂勇矣。以歲軌

求志書院課藝

史學

三

離交朔望。周變率策之數。步日月五星。依京房爲律準。以
九尺之弦十三。依管長短。寸分設柱。用七寸爲均。可謂聰
明矣。留京師則廣新城。通道路。視汴口則作斗門。可謂果
決矣。而其生平兼綜庶務。洞悉軍機之略。則具見平邊一
策。當是時。君昏政亂。民困兵驕。近臣姦於內。藩鎮叛於外。
天下大勢四分五裂。吳蜀乘唐之亂而竊其號。幽并窺晉
之間。而據其地。世宗銳意征伐。慨然有平一天下之志。數
顧大臣問治道。而以爲君難爲臣不易之論。與平邊之策。
試徐台符等二十八人。此二十人者。當時之所謂文學之士。

者也。類皆以脩德來遠爲意。嗚呼！此何時也！此何世也！而一時白面書生，仍挾迂腐不可行之論，以粉飾治平設世。宗信用其言，優游觀望，養虎狼以自貽伊戚，吾恐德未必脩，遠未必來，而大事去矣。吾故曰：忠厚長者之道，無濟於亂世者也。而幸也！世宗有卓絕之見，取陶穀實儼楊昭儉王朴之策，而於朴尤親之信之，引與計議，北取三關，南定淮甸，鬱然有平治之象。蓋世宗爲五代僅有之君，而王朴尤爲五代傑出之士也。惜君若臣，享年不永，不克大成。必俟宋太祖混一區宇，平定四方，然後朴所謂并獨後服之求志書院課藝

史學

三

此文絕似大蘇

此世書院課藝... 求志書院課藝... 此文絕似大蘇... 言於是乎驗。舊史謂其傷於太剛，無恭懿之譽。嗚呼！如朴而務邀恭懿之譽也者，胡爲乎太祖每歎曰：安得王朴者相之哉！

古之君子。抱有用之才。而不展其用。不得已而以言見。而其言卽爲有用之言。夫有用之言。必非委靡。媵阿人云亦云。以取悅一時耳目已也。於是奮發以作其氣。痛切以示其意。危悚以陳其辭。以爲必如是。庶幾有補於世道人心。而不知無一不中小人之忌。吾觀石介之所著曰某某集。曰怪說。曰中國論。曰唐鑑類。皆剴切著明。有關治亂。其言曰。吾言用。功利施於天下。不必出乎已。吾言不用。雖獲禍咎。至死不悔。嗚呼。彼其盡心力以求其有濟者。旣非所以

求志書院課藝

史學

三

爲名。抑其激切危悚。不避後患者。又非所以爲利。而況生當慶厯之朝。君有盛德。衆正盈廷。韓范富歐。陽一時並進。爲學士者。歌頌功德。導揚仁風。非特其分所當爲。抑亦發於至情之不容已也。彼夏竦者。鬼魅耳。曾何足慮。乃陰習手書。飛語上聞。介中傷。而諸賢與爲搖動。吁。可畏哉。厥後歐公之誌其墓也。以爲君子察其行而信其言。推其用心而哀其志。又曰。聖賢皆然。雖毀何傷。由是觀之。君子之所尙。可知矣。且夫人平居甘食美飲。酣嬉無憂。一旦營衛不和。則藥石之功。勝於酒肴者。無算。介之文章。猶藥石也。慶

漢書有古今人表說

何松

天地人三才也。遍天地人謂之儒。備天地人謂之史。班氏於天文五行有志矣。於地理溝洫有志矣。於帝王有紀。於諸臣有傳矣。而復有古今人表者何也。紀傳詳一朝之人以明治亂。而人表備歷代之人以示勸懲也。其分爲九等者。仿禹貢田賦之名也。上焉者聖人也。下焉者愚人也。其餘皆中人。上焉者不世出。於是乎上之中有中有下。下焉者亦不恆有。於是乎下之中有中有上。中人之有上下也。語云。中人以上可以語上也。中人以下不可以語上也。以

求志書院課藝

史學

語

者推而及之之詞。明乎中人之可上可下也。自孔子而後。上焉者無人。曰此至聖也。生是使獨者也。其次爲德行之科。又其次爲言語政事文學之科。凡爲孔孟之所論列。與嘗往來問答於其閒者。皆載焉。愚人之始蚩尤也。曰此古今之首惡也。三代以前上焉者多。下焉者少。而中人無稽焉。三代以下中焉者多。下焉者多。而上之中上之下者少焉。於此見氣運之日下也。婦人何爲乎。亦與是數也。曰上焉者助而爲理者也。下焉者助而爲亂者也。有繫於國家之故者載之外。此弗錄也。始於五帝而終於秦者。以前則

漢書有古今人表說。蓋聖人欲昏而不陳士翹。古今人表列於漢書後。人每疑其不倫。表中但次古人而不表今人。又疑其書之未畢。此皆未喻班氏之情者也。考列女傳言班固著漢書八表未竟而卒。和帝詔固妹曹大家昭成之。復詔馬融兄續踵成其書。故唐觀知幾史通遂謂人表馬續所撰。宋晁公武讀書志又疑人表班昭所製。說雖不同。然因此即可知其書之非未畢者也。顧書既畢矣。何以表曰古今。所列有古人而無今人哉。又何以忽列古人於漢書哉。蓋班氏欲借古以鑒今也。班氏見一時人

文志書院課藝

史學

美

品邪正之不同。人心善惡之各異。以及政事之盛衰。學問之賢否。是是非非。雖散載於紀傳中。猶未能合而分其等差。人之讀史者。雖知其人之始終本末。而究未知其人之當居何等也。使我或如其為人。亦未自知當居何等也。故特借論古之意。以立此表。表分聖仁智三科。反是者爲愚。分上中下三等。又三分其序。而徧舉古人以實之。其意蓋謂列古人。所以懸今人之定格。判古人之高下。即可持此以衡今人也。如今之爲君而上同堯舜爲臣而上同稷契。則當居堯舜稷契之等。而爲聖仁爲君而下同桀紂爲臣。

而下。同廉來則當居桀紂廉來之等而為下。愚且也。學如顏孟則居上等而為表之所重。學如老莊則居中等而為表之所輕。使今人見是表。懷然有所懲勸。知所從違。而悉歸於正。斯吾之史。既非虛作。而史官褒貶進退之職。可合古今而並及焉。故其序亦曰。歸乎顯善。昭惡勸戒。後人後人。即今人也。而何必疑其不表今人哉。亦豈無與於漢書哉。知此乃始喻班氏之指矣。要之班氏有此表。不特漢書中一切人材。固可舉是以權衡之。即讀漢書之人。亦可以此自鑒焉。故不曰古人表。而曰古今人表。不另為一書。而求志書院課藝。

史學

三

必殿於漢書諸表之後。

俊傑廉悍文陣之雄。

人。今人也。而。其。不。表。今人。遊。豈。與。其。今。人。表。不。另。為。一。書。而。求。志。書。院。課。藝。史。學。三。俊。傑。廉。悍。文。陣。之。雄。必。殿。於。漢。書。諸。表。之。後。

西域設行省議

朱逢甲

西域之地二萬餘里。謹考

欽定

西域圖志及一統志會典之西域輿圖。更以西域聞見

錄之圖胡文忠之圖參考之。請先詳言其四至八到。

西域之四至八到。東至鎮西廳。巴里坤。哈密。再東爲

圖爾庫爾泊。那心河。與喀爾喀及安西州爲界。西至

喀什噶爾城。英吉沙城。再西爲圖斯庫爾泊。伊西洱

克爾泊。與霍罕。巴達克山爲界。南至和闐城。再南爲

尼莽依山。其南皆大戈壁。北至塔爾巴哈台。再北爲

求志書院課藝

掌故

三

齊桑泊。額爾齊斯河。與哈薩克爲界。東南到喀喇沙

爾城。再東南爲塔里木河。噶斯泊。其外皆大戈壁。西

南到葉爾羌城。再西南爲阿里瑪圖河。與博羅爾界。

東北到綏來縣。再東北爲葦湖。與科布多土爾扈特

界。西北到伊犁。再西北爲伊犁河。與哈薩克界。此西

域之四至八到也。此足立爲行省也。考內地行省之

分以江分者。爲江南江西。以湖分者。爲湖南湖北。以

山分者。爲山東山西。西域橫亘天山。舊爲兩路。曰天

山南路。曰天山北路。如改設行省。可卽兩路分爲兩

省宜仿山東山西之例。卽自山北山南設二巡撫。更仿兩江總督兩湖總督之例。設一總督以總理之。曰兩山總督。至巡撫省治。山南宜在阿克蘇。山北宜在烏魯木齊。以兩地扼要。且又適中。如烏克蘇爲山南省治。東爲哈密。爲闢展。爲哈喇沙拉。爲庫車。可設四府。西爲烏什。爲葉爾羌。爲喀什噶爾。南爲和闐。亦可設四府。都計可設八府。居中足以控制。如烏魯木齊爲山北省治。東爲巴里坤。爲烏里雅蘇台。北爲塔爾巴哈台。可設三府。西爲烏什。爲惠甯城。爲伊犁。亦可。

求志書院課藝

掌故

三

設三府都許可設六府。居中亦足以控制也。且烏克蘇民居二萬地。蕃五穀。來往通衢。形勢扼要。商賈雲集。閭閻富庶。固宜於立省治。烏魯木齊山川靈秀。沃野千里。草肥水甘。人民輻輳。富庶繁華。甲於關外。亦宜立省治也。且夫西域之所以必擬立行省者。其故何哉。蓋將鎮之兵。駐之。但能衛民而不能治民。教民。惟建省而守令治之。儒學教之。而又有督撫司道臨其上。夫而後法制備。政事舉。教化行。而禮義興也。況西域旣已設州縣矣。則更可建省治也。夫考之於古。

漢置燉煌郡。卽今之燉煌縣是也。漢設安西都護。卽在今安西州地。漢設玉門關。卽在今玉門縣地。皆在今之嘉峪關外。此猶可曰。雖在關外。尙非西域地也。而再考之於今。則國朝於今西域地之東境。已設州一廳二縣四矣。迪化州一州也。鎮西廳。化平川廳。二廳也。奇臺縣。昌吉縣。阜康縣。綏來縣。四縣也。今鎮西廳東界哈密。卽設於巴里坤。迪化州西界伊犁。卽設於烏魯木齊。而四縣卽屬於廳州。夫旣設州縣。不可設行省乎。卽此州縣。不可由甘肅而改隸乎。且考西域之設州縣。國朝以前。歷代已有之。考太康地道記。晉設宜禾縣。卽在今之鎮西廳。國朝亦嘗於此設宜禾縣也。廣輿記言唐之伊州。卽今之哈密。明之火州。卽今之闐展。以其地炎熱。今猶俗呼爲火燄山也。則歷代已曾設州縣。今猶不可設行省乎。況今於西域。已設文職多矣。除兩廳之同知。一州之知州。四縣之縣令。及儒學外。如伊犁。土魯番。均設同知矣。哈密設通判矣。又闡展哈密。土魯番。惠甯城。惠遠城。綏定城。迪化城等處。皆設巡檢矣。再迤而西。獨不可

設文職乎。變而通之。獨不可。皆設守令乎。不可。更設督撫以總之。而立行省乎。惟論設行省而立州縣。必立學校而定額。今西域東境已定。學額鎮西六名。迪化昌吉阜康綏來各四名。至迤西設學。則文治之興。似宜有待。論學額鄉闈主司學使。似宜待文風盛時。徐徐次第舉行。恐未可以旦夕期也。雖然。宜設行省。此論其理也。而論今之勢。則西陲未靖。國帑方虛。建署增官。重以廉俸。計費浩繁。且其地賦入甚微。似設官不必求備。建立行省。宜可緩圖。竊恐度支尙有未

求示書院課藝

掌故

逮姑存其說。俟凱旋之後。軍餉無須。豐裕之時。元氣又復。太平無事。從容布置。徐議舉行。可也。今則非其時也。其

於西域形勢。瞭如指掌。治民教民之說。尤獨見其

大

小

大

小

大

小

預擬平回露布

朱逢甲

昔唐之于公異。為李晟作露布。德宗覽之。再三咨
歎。問誰為之辭。明方岳貢。美其命詞敦重。不事夸
張。與晟謝收復之晚同意。國朝澤州相國亦美
其不事叫囂。勵杜訥。亦美其不自矜伐。夫古今之
為露布。夸張叫囂。而矜伐者多。惟此露布。能無此
病。竊師其意。敬擬斯篇。思不取率土皆歸。曰
臣聞

王者大一統。悉主悉臣。古帝伐三苗。乃文乃武。我

宋志書院課藝

掌故

三

王。大清龍興。以德虎視。以兵粵自長白。文
發祥。以迄滇黔歸化。媿有熊之涿鹿。功定指南。邁呼兕

與揚鷹。勳成攻北。固已無思不服。率土皆歸。已仰惟

太宗文皇帝入關。勘亂。

世祖章皇帝定鼎安民。

聖祖仁皇帝平朔方。平西藏。

世宗憲皇帝征青海。征金川。

高宗純皇帝討準夷。拓萬里之新疆。

仁宗睿皇帝誅教匪。續百年之洪緒。

朱逢甲

宣宗成皇帝翦除回逆。

穆宗毅皇帝肅靖粵氛。欽大武於

列祖。

列宗宏豐功於

丕承丕顯。以視漢之單于降附。唐之回紇歸誠。懿鏢過之。

顯巍尙矣。乃近有叛回喀什噶爾者。窮邊逆命。自外

生成。蝟角紛爭。讎封竊據。致

先帝赫然震怒。撻伐么麼。命繼祖臨以重兵。長征絕域。尙卽

壁銜自縛。無妨城築受降。乃蠲背敢於當車。蠶尾果

求志書院課藝

學故

聖

真有毒。伏莽則蠮螋滿塞。負嶠則烏鼠同山。偪陽之

堅。克難七日。鬼方之伐。遲至三年。臣待罪行間。久勞

禁旅已伏惟

皇帝陛下。聖明踐祚。

神武宣威。

廟算十全。

睿謀百勝。臣仰承

方略。密出奇兵。仗

帝之威。願早西陲之救定。如天之福。上紓

北關之深。憂所幸。諸將同心。三軍用命。紅泥城下。七縱七擒。綠玉河邊。再接再厲。雪山寒峻。感

皇恩而挾纊。皆溫翰海。荒遐荷神佑而不舟。飛渡散花布陣。大壯軍心。疑草皆兵。久寒賊膽。乃入游魚於釜底。猶恣鯨吞而困鬪。獸於泥中。尙虞鹿麕。蓋祇緣慎戰。故賊竟暫稽誅也。臣伏念遠道師勞。頻年帑匱。餉籌數省。已傾內地。之朱提糧。轉千山。幾盡太倉之紅粟。利於速戰。告厥成功。謹於某月某日某時。與將軍某都統某等。預設伏兵。嚴中軍律。越龜茲國。問道而

求志書院課藝

掌故

四

趨過狼居胥。采入其阻。嚴陣則爲鵝。爲鶴。驍將皆如熊。如罷。台明月之重圍。雲梯直上。非水雷而暗發。火器齊攻。赤熾立而肉薄。登城入旗。銳進綠營。繼而指揮血戰。兩翼爭先。礮用開花。勢如破竹。敵驚風鶴。人化沙蟲。入豺虎之深巢。遂擒首逆。築鯨鯢爲京觀。克奏膚功。事同底定。月支

一人有慶。奏台飛馳。露布萬姓。臚歡聲。豈止流沙。讐服遠。微蔥嶺。征伐直窮大漠。捷音上達。

楓宸報殪。封狼用敢。墨磨盾鼻。蕩平回鶻。同欣星落旄頭。

鐵檻車來獻俘告

廟玉門關入奏凱班師上安

列聖之神靈重綏回部遠慰

九重之宵旰又定天山法張奠之不取粟金禁嚴虎旅近

和闐而請鑄山玉銘仿燕然天討已伸罕譬沸湯沃

雪鏡歌已唱思深就日瞻雲謹馳露布以聞

得名臣敬上之意

求志書院課藝

字故

聖



雪嶽... 日... 龍... 雲... 天... 浩... 天... 浩... 天... 浩...

... 山... 玉... 銘... 仿... 燕... 然... 天... 討... 已... 伸... 罕... 譬... 沸... 湯... 沃... 雪... 鏡... 歌... 已... 唱... 思... 深... 就... 日... 瞻... 雲... 謹... 馳... 露... 布... 以... 聞...

... 天... 山... 法... 張... 奠... 之... 不... 取... 粟... 金... 禁... 嚴... 虎... 旅... 近... 和... 闐... 而... 請... 鑄... 山... 玉... 銘... 仿... 燕... 然... 天... 討... 已... 伸... 罕... 譬... 沸... 湯... 沃... 雪... 鏡... 歌... 已... 唱... 思... 深... 就... 日... 瞻... 雲... 謹... 馳... 露... 布... 以... 聞...

... 天... 山... 法... 張... 奠... 之... 不... 取... 粟... 金... 禁... 嚴... 虎... 旅... 近... 和... 闐... 而... 請... 鑄... 山... 玉... 銘... 仿... 燕... 然... 天... 討... 已... 伸... 罕... 譬... 沸... 湯... 沃... 雪... 鏡... 歌... 已... 唱... 思... 深... 就... 日... 瞻... 雲... 謹... 馳... 露... 布... 以... 聞...

... 天... 山... 法... 張... 奠... 之... 不... 取... 粟... 金... 禁... 嚴... 虎... 旅... 近... 和... 闐... 而... 請... 鑄... 山... 玉... 銘... 仿... 燕... 然... 天... 討... 已... 伸... 罕... 譬... 沸... 湯... 沃... 雪... 鏡... 歌... 已... 唱... 思... 深... 就... 日... 瞻... 雲... 謹... 馳... 露... 布... 以... 聞...

... 天... 山... 法... 張... 奠... 之... 不... 取... 粟... 金... 禁... 嚴... 虎... 旅... 近... 和... 闐... 而... 請... 鑄... 山... 玉... 銘... 仿... 燕... 然... 天... 討... 已... 伸... 罕... 譬... 沸... 湯... 沃... 雪... 鏡... 歌... 已... 唱... 思... 深... 就... 日... 瞻... 雲... 謹... 馳... 露... 布... 以... 聞...

預擬平回露布

有序

文心雕龍云張儀檄楚以尺二明白之文或稱露

布播諸視聽也蓋古者檄與露布同實異名今露

布一統罔或跳梁西域么麼轉瞬卽滅無庸檄討

矣特懲其惡稔之時顯其貫盈之數伸茲天討耀

我軍功作爲露布可以預擬云東西四十餘萬

聞星張流耀於圓穹武稱元武雷鼓飛聲於大野

威曰天威是以廟略宏敷育以仁亦正以義皇風遠

播服其教兼畏其神軒帝鋤頑力誅銅頭鐵額伊耆

文心書院課藝

掌故

吳

勦亂勳銘赤水丹邱舞千敷德於兩階謨稱夏禹載

服興師於六月雅美周宣欽惟我衣五以遊皇風

皇朝三靈和晏九服清怡達鞮譯於天垠窮梯航於月窟

天山南北三萬里廣土宏開戈壁東西四十城新疆

錯峙方謂大蒙入信長施雨露以涵濡豈知瀚海風

腥竟待雷霆之掃盪乃有回逆白彥虎者性真梟獍

種是馬驢鼈令游魂犬夷醜類長蛇封豕將薦食於

嘉峪關旁白馬黎牟竟蔓延於哈什山左寬襟窄袖

身不離刀耳墜金環鬚都若茜黑白帽形容醜惡彈

比猴冠。紅綠韉。步履跣。斜著來。猩屐杯。傾琥珀。醜酒
則益肆。狼貪。渾飲馬牛食肉。則獨遺豕。牡架荻蘆而
養畜。日與同牢。做幃幕。以遮蚊。夜飛似霧。察異服。異
言之。故可知。狼子野心。問自南。自北之居。始信犬戎
惡族。而況妖名。劈里殺機。上拂天和。教祖。祇神。詭道
實無人理。馬泰。勒祖孫。濟惡不啻。狼生。羆而。羆生。羆
命前牙。古汗。朋比。為姦。幾同。壓負。蛩而。蛩負。壓若不乘時
剿滅。原火。延燒。要唯。奮力。驅除。逆氛。永靖。我

皇上神謨天授

求志書院課藝

掌故

是

聖武遐宣。簡節鉞以授儒臣。厥聲厥靈。而采入推車。轂以

隆大將。有嚴有翼。以出征。於是奉。於。不。敵。時

命前驅。靈旗特建。乘機利導。伐輅不停。定十八策。以平戎。

力除獷悍。審十四勢。而擊敵。誓滅。孤離。所領長順安。

定諸營。甯夏。玉泉。等堡。類皆。虬鬚。鶚瞬。挺鉞。稱雄。燕

領。鳶。肩。鸞。弓。無敵。東三省。雄邊。子弟。慣負。雪而。停霜。

外九郡。蕃落。健兒。善摧。枯而。拉朽。至原。調續。調兩湖。

三省。并火。器健。銳各營。亦復。為鶴。為鵠。鼓旗。整飭。如

貔。如虎。步伐。止齊。某月。某日。師抵。瑪納斯。城。將軍。真

天上飛來鉛丸雨。下子母從地中轟出。火彈雷鳴。士
一乃心突陣之金戈耀日。人百其勇。赴援之鐵騎騰
霄。破張步於東城。小曾莫逃。困獸敗尉。遲於鄴下。醜
狗不少。生禽畫地成圖。迅速另開濠塹。撥雲見日。須
臾遍換旌旗。或守或行。再接再厲。勢旣乘乎破竹。勇
可鼓以援桴。排隊仗兮山疑。催簡書而星速。遂於某
月某日。由濟木薩西進。黃田卡下。焰熱狼機。紅廟垣
中。炬排雉尾。驂如激電。鉦鼓則動地而來。騎若騰雷。
戈甲則拓山而上。縱狡兔思營三窟。伏起關廂。而天

求志書院課藝

掌故

吳

狼併聚一城。勢將傾穴。某月某日。追至雪盤大石子。
此處崇山遂谷。竊思負隅以搜我軍。繫髻緮腰。轉瞬
攀藤而進。劈山轟烈。催霜雪以俱銷。穆肅淒涼。訝風
雷之疊警。令游騎以衝其心。腹雁子都豈有精兵。從
中途而扼彼咽喉。烏了帥何曾善戰。士氣由茲百倍。
軍心共効三驅。某月某日。馳赴黑茨窩地方。叢爾彈
丸紛然解瓦。功已告夫三捷。陣復合以四圍。連雞不
得俱飛。陸谷之網羅密布。駭鹿無從挺走。川原之草
木皆兵。擒賊必首擒王。果繫單于之頸。百戰居然百

皇朝三通書後 何松

有儒者之著作。有帝王之著作。儒者之著作。燁一己之聰明。才智。力所不逮者。不能為也。帝王之著作。盡一世之學問。文章。人所能為者。皆其有也。然非有天地包容之量。日月照耀之明。亦無由蒼蒼羣言網羅。眾說可以集千古之大成。而總百王之典法者也。我

列聖相承。凡鴻章鉅製。照耀古今。而其尤有關於國計民生。

與夫一代之典章制度。罔不彰備者。則莫如

求志書院課藝 掌故

至

欽定皇朝文獻通考二百六十六卷 備香頌莫敢

欽定皇朝通典一百卷 其式官關欽國指與也

欽定皇朝通志二百卷 敬讀全書。而得其大綱四焉。一曰

因通典八門。通考二十四門。通志三十略。一仍杜氏

馬氏鄭氏之舊。其中如錢幣附於食貨。馬政附於軍

禮兵制附於刑司。於理相近。於義有取者。今亦無所

改易。唯原書惜繁漫汗。不無博而不精之處。一經

天裁指定。覺體大思精。勝於原書者。無算名。雖因也。而實則

創矣。一曰革四庫目錄。通志載入別史。以兼有

故也。今則不錄紀傳矣。皇朝通考初與續通考合為一編。乾隆二十六年以前朝舊事例用平書而述。昭代之典章錄其奇舉大官。

列朝之典章錄其奇舉大官。

詔諭。

尊稱。

鴻號禮當出格。跳行體例迥殊。難於畫一。遂文無節。尊稱。

命自。

開國以後。別白為書。至於前朝弊法。

求志書院課藝

掌故

至

聖世所除。不獨禮典中之封禪云亭。食貨典之權酷算緡。一

例從刪。不復更存虛目也。一曰損事。既有而亦可

無政。或宜古而不宜。今與其空載其文。無從徵信。孰

若酌損其制。轉便施行。如通考市糴門之刪均輸和

買和糴。選舉門之刪童子科。兵制門之刪車戰物異

門之刪洪範五行是也。一曰益。

高宗純皇帝振興百廢。修舉六官。

駿業豐功。尤上超三古。是以通考子目。田賦增八旗田制。錢

幣增銀色直。及回郭普兒。戶口增八旗壯丁。土貢增

宗廟增崇奉

聖容之禮。封建增蒙古王公通志所增。更為美善。六書則備

西域七音則詳三合天文。殫歐邏巴之微。地理括伊

犁河之外。禮本乎官繪之圖。樂本乎

御定之律。藝文圖譜稽

中禁之秘藏。草本蟲魚。羅遐方之珍產。皆原書之所未
及者也。然此猶其門類中之推廣者耳。至若申明祀
典。釐定舊章。尤莫重於通考中之羣廟。門蓋至是

求志書院課藝

掌故

三

而良法美意。粲然具備矣。且夫溝瀆不能與江海比。
大也。培塿不能與喬嶽並高也。下士之一見一聞。不
敢上希。

天授之

聖人此理。尤所易曉也。而況

泰運疊開

聖神繼起。有千載一時之際。會遂有

贊化

參天之制作。非猶是三代下之帝王著作所可同日語者。臣

聞石韞玉而山輝。水懷珠而川媚。至寶所存。其光氣常形於空際。儒臣學士。其有肅容再拜。盥手展誦此書者。意必有榮光燭天。輝映半空。如歐陽氏之所云者。豈不懿哉。

堂皇淵懿雅與題稱

求志書院課藝

掌故

卷



聖人此理堂廷講藝報與賦麻

通以香豈木澁哉

清漢以空澗澗田壟士其有肅容再拜盥手展誦此書者意必有榮光燭天輝映半空如歐陽氏之所云者豈不懿哉

曰。問西人崇尙洋教。然教中所言質之洋人格致新理。
以欲。不合甚多。能悉舉其矛盾處否。曰。楊象濟曰。
往時爲豐順中丞。譯西人七大洲地球圖。說於每國政事
之外。各繫教會民種一條。亦猶中國志乘之有風俗也。其
教之目雖多。而要以天主耶穌三者爲大宗。惟佛教無聞。
蓋五印度之地。全產鴉片。務貿易。西來之旨久已失傳。然
教會名目如此之多。而中國又有道教釋教。與聖人之教。
幾乎並行。趙氏翼曰。孔孟之教。佔地甚少。猶之於物。其精
粹至美之處。本不甚廣。其胥殼則所佔之地甚多。非聖人

求志書院課藝

掌故

語

之教。不敵彼教之善。而民皆信服之也。然今前後藏皆崇
佛。而辦事大臣必與班禪會銜奏事。民心之不可移易如
此。近西人復力攻天主。而崇尙耶穌。婦卽以耶穌論之。論
耶穌必先論耶穌之所自出。今其書云。自取肉身於貞女
馬利亞氏。夫童女受孕。千古第二怪事。然則耶穌者。有母
而無父。其本身之來歷。已屬曖昧不明。其餘更可知矣。至
其種種荒誕不經之說。五尺童子。聞之而疑。卽以質諸洋
人格致新理。亦多不合格。格致之學多徵實。曰。體曰質。曰。性
曰。光曰。熱曰。氣。皆从自驗身試而得。教會之言多憑虛。曰。

理曰道曰神曰天曰上帝曰造物主。遁乎無聲無形之表。此大端之不合也。創世紀曰：創造天地造三耿光。夫以理畫小以理夜，亦造星辰置之穹蒼，照臨於地，則是天空所有日月星辰造物者，無非爲地球而設也。若據格致家言，太陽爲諸恆星之一，地球爲諸行星之一，行星不能自有光，皆借日之光以爲光。諸恆星外必有如地球者環繞之日，屬諸行星上亦必有山川人物一如地球，此不合者也。失樂園詩曰：撒但見太陽行空，乃化一小天使問司日之天使言：欲往新造地球，司日者指示之，則是天空之表。

之理也。其他若空中有聲，榮光自天而下，諸神異質之天
文、聲、學、光、學之理，皆屬平淡而無奇。凡若此說，彼教士聞
之，必曰是固非言思擬議之所能及也。夫既非言思擬議
之所能及，尚得謂之道，尚得謂之教哉。創世記見慕維廉
地理全志失樂園

詩見艾約瑟
卯中西通書

未及其也耳

洋教以舊約新約西書為根本，彼中奉為聖經，謂言
皆有微幾，若一字之成，固於金湯顧書中所言天地
萬物之理，半屬故老傳聞質之實測，恆多不合。特西
人亦狃於習俗，莫敢竊議其非，自格致日精，重學光

求志書院課藝

掌故

雲

學電學化學之新理，日密歐洲淵雅之士於此信之
既專，則於彼疑之必力。當有不期然而然者，此亦洋
教盛衰之大幾也。諸卷多悞會題意，惟此作獨得要
領，且精於西學，足以關教士之口，而奪其氣，惜僅舉
攝力一端，未及其他耳。

○此論又向於謂之教尚存信之疑為

○此論又向於謂之教尚存信之疑為

○此論又向於謂之教尚存信之疑為

○此論又向於謂之教尚存信之疑為

井利說

沈祥鳳

嘗讀豐川王氏井利說而恍然曰井之為利若是其大乎。宜孔子繫易而以為其養不窮也。按伯益始作井。易傳云井通也。物所通用也。風俗通云井者法也。節也。言法制居人令節其飲食無窮竭也。史記河渠書岸善崩乃鑿井深者四十餘丈。是開井一法足以濟江湖陂塘之所窮。而與農功相表裏。故耕田鑿井自古並言。而實為言水利者所宜講求者。夫地之有水猶人身之血脈也。血脈壅滯則病必及其身。水道不通則水必受其害。夫人知之矣。南直諸省有江有湖有陂有塘足資灌溉無賴乎井。若北直諸省如秦豫齊晉地高土厚河渠無多間有河道岸高河低難於引灌一遇天旱即束手無策有坐視其枯槁而已。然天之雨澤或有愆期而地之泉源終無竭理。若按可井之地行開井之方因勢乘便以資挹注所謂則天因地利民無窮者胥在此也。特開井一法要必先視地之高下以為衡地勢高者工多費重其成井也難地勢下者工少費輕其成井也易故必先審可井之地高者以七八丈為度下者以三四丈為度若帶沙石須用磚石包砌或圓或方各從

文示書院課藝

掌故

五

其式汲水之器。或用轆轤。或用水車。惟用水車之井。其數較大可仿用。西人取水水管。使之聯絡。灌注勢較便捷。但令灌溉及時。泉流不竭。一井之廣。獲利已屬無窮矣。或謂井處乎下。其象爲陰。其水多冷。以之灌田。恐妨生生之意。不知此就東方言則可。若論北方。其說有不可信者。何則南方地本卑下。一交春令。陽氣上騰。陰氣下降。故其水多冷。若北方地勢堅厚。陽氣融結。故蜀中有鹽井。更有火井。石中出火。可以燒鹽。則其地氣之溫暖可知。故所出之水。與江湖陂塘無異。乾隆初年。崔紀籌辦陝西水利。開井三

求。示書院課藝。

掌故

吳


萬二千九百餘眼。陳宏謀繼之。至今尙受其利。況鑿井而飲。自古爲昭。凡遠河泉之鄉。未有不飲井水者。豈人可以飲。而田不可以灌乎。此不待辨而自明者也。或又謂人心不齊。民力有限。以不齊之人心。而使之同開一井。則有觀望之意。以有限之民力。而使之獨開一井。則有畏難之形。不知田爲足食之源。井爲取水之本。民苟知井之有利。於已也。未有不踴躍從事者。惟小民可與樂成。難與圖始。或因奉行不力。視爲具文。或以措置失宜。易招謗語。遂致因噎廢食。相戒以井不可開。不知其不可開者。勢之適然者。

設海鏡中明重股相乘四之於上又以兩數和自之
取圖與上相加開平方復加和得城徑試證之

沈善蒸


解曰凡四句股形積加弦羈卽句股和羈又按明句重股
相乘等於太虛句股積明句重股之和等于太虛弦今明
句重股相乘四之於上又以兩數和自之與上相加者卽
四个太虛句股積加太虛弦羈而爲太虛句股和羈也又
開平方復加和者卽太虛句股和加太虛弦成太虛三事
和也乃太虛三和卽城徑故曰明句重股相乘四之於上
求志書院課藝 算學

二



如圖月之南爲明句等於月之甲山之東爲重股等於山
之甲故明句重股之和等於月之山卽是太虛弦也又明

三圖內容外切各一五等邊形以半徑爲首率令中末
 甲丁八率相加與首率等其首率與倍中率之比若內容
 甲心形之邊與外切形之邊之比作圖以明之曰再作
 而想甲心形之邊與外切形之邊之比作圖以明之曰再作
 如圖甲乙丙丁戊爲內容五等邊形己庚辛壬癸爲外切
 五等邊形試將己庚邊平分於丑作丑戊線與心庚平行



而丑戊線割甲乙邊於子其
 子乙必等於丑庚亦爲外切
 形邊之半若甲乙內容形之

三

邊爲首率必子乙爲中率甲
 子爲末率乃子乙卽外切形
 邊之半所以倍中率卽外切

止善數法篇曰更數平八形之邊故無論何數爲首率
 與其倍中率之比恆若內容形之邊與外切形之邊之比
 而題中所設之比例以半徑爲首率者亦然若曰何以知
 甲乙爲首率而子乙必爲中率甲子必爲末率也曰再作
 甲丁乙丁乙戊子寅四線凡心角恆倍於邊角又三角形
 之三角相併必等半周乃乙心甲角係是七十二度則甲

圓內容十八等邊形以邊自乘再乘為負實方空三
邊為正廉一負隅開立方得半徑試解其理

沈善蒸

假如圓內容十八等邊形之一邊為一分弧通弦而三分
弧通弦必是六等邊形之一邊乃與半徑等又按半徑為
一率一分弧通弦為二率其三分弧通弦之率數為三個
二率正一個四率負又即半徑之數也凡二率自乘一率
除之為三率再以二率乘之一率除之為四率所以半徑
除邊幕即是三率半徑幕除邊之立方積即是四率乃立

艾志書院課藝

算學

三四

天元一為半徑則二率為邊四率為邊○太將三個正二
率一個負四率相併得邊○為半徑寄左以天元為同
數消之得邊○即為圓內容十八等邊形求半徑之
開方式也

圓內容十八等邊形求半徑之開方式也

數為五乘一負隅開立方得半徑試解其理



圓內容十八等邊形求半徑之開方式也

求志書院課藝

算學

奎

以天元御運比例中西法一以貫之矣



問算至近日門類日增精義日出試爲綜其要端而

詳序之

沈咸喜

蓋聞參天兩地而倚數數其不可窮者也數不可窮今欲以力强窮之卽數不必遂窮而無窮之藏以出焉今日數學之盛超越往古以九章分類重差夕桀諸術載在簡篇循而習之蓋不絕如縷者幾千百年我朝高祖不文朕朝文教大興理學考据詞章事事卓絕卽以數學言之歷象有本輪均輪橢圓繞日之說測量有弧角八線之用推算有堆垛方程對數之名而且極之微積以探其源參之重

文志書院課藝

算學

三

學以廣其義加之天元四元借根代數以觀其理或古書略啟端倪而精蘊至今而始出或前人未聞論及而門類到今而始分其間通儒蔚起傑士雲興各以材力聰明精搜冥索一名一物自出新意往往有隸首商高所不及知洛下閎張衡所不能盡者歷法毀壞歷有年矣後人知其不合也設本輪均輪以推之仍不合乃以橢圓推之又以地與五星繞日重心解之於東西差之外別立南北高下蒙氣諸差以爲加減皆古所未有也八線則創六宗三要二簡法以求諸弦弧角則設垂弧次形矢較以及求半較

切線半角正弦諸術至烏程徐氏統而歸之和較術更簡
妙矣。堦積之法以推割圓步躔離衍微分爲用甚廣。顧他
書中不恆見。惟朱氏有菱草形段如象招數果堦疊藏諸
門。李氏有三角乘方自乘堦變堦諸術。方程一章補自梅
氏。實盡和較之變對數。始以真數屢次開方對數屢次折
半。而得立法繁重。未幾以尖錐發其覆。又以屢乘屢除通
其術省算百倍矣。至於常數變數等例。微積之綱領也。動
靜流質等名。重學之條目也。天元載於秦九韶。發揮於李
冶。得尙之校訂而益彰。四元始於朱世傑。得茗香推闡而
愈顯。借根方係西人所呈。法本天元。代數術乃新譯之書。
詣超迹象。皆足以御難御之式。顯不顯之情。其他零星算
法。精益求精。向用本法。今忽變術以求之。向係借算。今立
正術以演之。詳其式而略其根。今獨通之以力索造其域。
而紆其徑。今竟直達夫康莊。此殆諸子精神所詣爲千古
數學家開一廣大法門。而遂以成爲風會者歟。

學有根據議論恰合分際

求志書院課藝

算學

空

漢與匈奴爭車師論

華世芳

漢武之世。圖制匈奴。患其兼從西國。結黨南羗。迺鑿空西域。遠結烏孫。以斷匈奴右臂。而車師界迫匈奴。尤爲北道咽喉之所。元封三年。趙破奴虜樓蘭王。遂破車師。於是酒泉列亭障。至玉門。然車師役屬匈奴。有年賦稅。所取給單于。倚爲外府。輔車唇齒。離之則傷。勢不能置之度外。坐視漢之實逼處此。故天漢二年。開陵侯擊車師。右賢王將數萬騎救之。昭帝時。匈奴復使四千騎田車師。鄭吉田車師。匈奴遣騎來擊田者。此單于大臣所謂車師地肥美。近匈奴。使漢得之多。田積穀。必害人國。不可不爭也。然漢之卒不得車師者。蓋有二端。一則以道遠。煩費武帝棄輪臺之地。昭帝罷車師田者。職此故也。一則車師遠漢。而近匈奴。又世爲婚姻之國。故其役屬於匈奴也。其勢徑其情順。速立軍宿爲王。徙居渠犂。而車師故地。遂入匈奴。而不復返矣。論者謂西域諸國。各有君長。兵衆分弱。無所統一。雖屬匈奴。不相親附。推其意。若以漢之逼西域。爭車師爲過計者。是又不然。其後匈奴衰弱。益西北徙。未必非武帝之逼西域。有以掣肘之。後漢永初元年。詔罷都護。而匈奴卽復

問漢志於郡國所治縣敘不在首者有幾

華世芳

閻百詩嘗謂後漢書郡國志始云凡縣名先書者郡所治也。孟堅作志未有斯例。然自杜氏通典李吉甫元和郡縣志以來。下至顧宛溪讀史方輿紀要李申耆歷代地志韻編。率以先書之縣當之。殊爲失實。迄今日而求所治之何在。書缺有間矣。然單文孤證。時時見於他說。高祖初都南鄭。漢中郡治在焉。三輔皆治長安。黃圖可按。西河則治平定。東觀堪徵。梁國治睢陽。而先書碭縣。汝南治上蔡。而首

求志書院課藝

輿地

七

敘平輿。凡斯諸論。俱見前人。九能之士。類能道之。掇拾遺聞。尙不止此。水經河水篇曰。河水又北。逕臨戎縣。故城西。漢元朔五年立。舊朔方郡治。則朔方治臨戎。非首敘之三封矣。江水篇又東南。過犍爲武陽縣。下注曰。縣故大夜郎國。漢武帝建元六年。開置郡縣。則犍爲治武陽。非首敘之。夔道矣。沅水篇曰。沅水又東。逕臨沅縣南。縣治武陵郡下。本楚之黔中郡。漢高祖二年。割黔中。故治爲武陵郡。則武陵治臨沅。非首敘之。索矣。湍水篇曰。地理風俗記。陽樂故燕地。遼西郡治。秦始皇二十二年置。則遼西治陽樂。而非

首敘之且慮矣。他若鮑邱水篇。藍水逕無終縣東。秦始皇二十二年。滅燕。置右北平郡。治此。漢世李廣為郡。出遇伏石。謂虎也。射之飲羽。卽此處矣。則郡治故城。當在今玉田縣境。而非首敘之平剛矣。平剛在無終縣東北約四百里。見瀟水篇注。略舉所知。以俟考核。

於前人成說外。證以酈注而益其五。可謂詳備。武陽有建元六年。置為郡。句臨沉有高祖割黔中。故治為武陵郡。句記據鑿鑿。至陽樂臨戎皆東漢郡。治若右北平郡。則東漢治土垠。西漢或謂治平剛。惟秦時治

文示書院課藝

輿地

七

無終耳附識所疑於此

武陽郡句記據鑿鑿至陽樂臨戎皆東漢郡治若右北平郡則東漢治土垠西漢或謂治平剛惟秦時治

無終耳附識

武陽郡句記

至陽樂臨戎皆東漢郡治若右北平郡則東漢治土垠西漢或謂治平剛惟秦時治

武陽郡句記據鑿鑿至陽樂臨戎皆東漢郡治若右北平郡則東漢治土垠西漢或謂治平剛惟秦時治

無終耳附識所疑於此

海潮不至滬地說

華世考

大江入海之口斜向東南江水奔騰東下三沙橫當其衝一擊而返回入內地而吳淞一口直北與大江東南出之勢互相俯仰故江水之灌注滬地者其勢徑其道便識者於是海潮不至滬地之說與昔人謂胸山以南餘姚以北之海皆江之委意正略同蓋黃浦爲入江之川海船東來必先進揚子江口而後達於黃浦其出吳淞口而入揚子江者轉棹而西未嘗有一步之涉海故潮汐者海爲之而滬地之潮猶是長江之委爲之也而川沙一帶海塘橫

文志書院課藝

輿地

七

互又無港汊可通於海故今日滬地鹵味淡薄煎熬不成鹽利歸於奉賢尤爲明證不特此也卽今崇明境內惟東北吳家沙等處鹽水疑結不可禾黍其南面諸沙漲自揚子江淡水俱可田則崇明南境尙非海潮而海潮之不至滬地又不辨而自明矣其誤以爲海潮者總由未明揚子吳淞兩口仰承俯注之形勢而謂一出吳淞卽大海耳是爲說而惑人內視而吳淞一口直北與大江東南出之奉賢崇明兩證具見顧思矣東下三沙橫當其衝海潮不至滬地當起於近百年來考前人著述於滬

爾雅釋地非殷制辨

華世芳

爾雅釋地一篇。首敘九州上之與禹貢不同。下之與職方又異。故疑爲殷制。自漢以來。諸儒迄無異說。蓋殷之幅員舍此別無考證。并此而疑之。九圍九有。反致闕如。不如卽此而猶存梗概也。其辨之者。凡有三說。一則賈公彥云。禹貢所云堯舜法。爾雅所云似夏法。詩譜所云似殷法。一則孟堅志地理。以爲殷因於夏。無所變改。杜佑亦曰。殷湯受命。亦爲九州。一則邢昺論語三分天下有其二。以服事殷。疏。祇舉禹貢九州。而不及爾雅幽營。正以殷同乎夏也。是

文。示書院課藝

輿地

三

三說者。皆以意度之。非有確據。善哉帝王世記之言曰。殷因於夏。六百餘載。其間損益書策不存。無以考之。故今日使無釋地一篇。不特殷制無考。卽舜肇十二州。亦不能備其名矣。至若盧辨大戴禮注。以爾雅四海爲夏之所服。殷之服國。東方十。南方六。西方九。北方十。有三分列東西南北。蓋本於逸周書王會末載。伊尹朝獻商書。然尙書大傳所說夏時四海。亦未能悉合。凡此要當如鄭氏之闕疑。不當如郭璞之誤注。至十數以下類多。後人所增益。不特非殷制所存。并非周公所述。鄭注澤虞云。爾雅有八數。而此

云十藪可疑一也。職方九藪而此云十藪可疑二也。楊陰即職方之楊紆。在今華陰縣。爲晉之陰。晉地晉賂秦東盡。虢略南至華山始屬於秦。圃田在今開封府中牟縣。此新鄭也。西周時在東都畿內。宗周之滅。鄭遷於溱洧。始屬於鄭。此皆春秋時語矣。陽湖孫季述以爲爾雅一書經傳相亂考其文義釋地九州當是經十藪當是傳八陵以下當是經最爲得之。然則讀釋地者亦惟分其經傳而其疑自釋其可信者从之。如九州注云其不可信者闕之而已。如

氏正義郊外四海等注無語不以殷制爲言未免過泥矣

文志書院課藝

輿地

五

以九州八陵爲經而退十藪等爲傳既可藉存殷制之梗概而雜說亦不得淆亂可謂持平之論

爾雅釋地非殷制辨
三代上方興斷以禹貢三代下地理定以漢書故禹貢者

地記之權輿也。雖疆域有分并名號有沿革而其簡約賅備。遂獨絕古今。爾雅釋地首列九州。注以爲殷制。然亦不盡然者。夫禹貢以山川定州界。職方以四正四維定州界。而爾雅獨錯雜水與地之間。其可疑一也。齊封太公而名其國。燕封召公而名其國。殷之前無燕齊之號也。其可疑二也。自虞夏至周初。相習相沿。諒必無大更易。今有幽營而無青梁。而青易以營。知爾雅之營。卽禹貢之青。何以梁

求志書院課藝

輿地

三

州無一言及之。將謂陷於蠻荒而置之乎。易言鬼方者二。詩言鬼方者一。毛傳鬼方遠夷之國。後儒有以黔地當之。庸蜀羌髻微盧彭濮。書紀八國。皆從周伐紂。亦大半梁屬也。又詩言昔有成湯。自彼氐羌。更見梁之明證。雖或自恃荒遠。斷無自外王圖。其可疑三也。更爲近求之本經。下文敘十藪。若大野大陸。孟諸雲夢。自與禹時同。而曰魯曰晉。宋與楚之外。概以春秋之國顏之。殊不知魯於殷爲奄。宋於殷爲商邱。楚於殷爲荊楚。晉於殷爲豕韋。又爲唐杜。二國此又其可疑者也。按之體制。已如彼。指其脫謬。又如此。

意孔子沒後。門弟子散處四方。懼經義之漸湮。羣言之淆。亂於是以儒先所傳述者。會萃而區別之。今觀釋詁釋訓。釋言雖非盡為書詩作訓。要於書詩之義為多。又舉他經所傳義訓。補緝成篇。乃張揖進廣雅表云。周公著爾雅一篇。以釋其義。以傳於後。蓋謂首篇釋詁也。而黃髮齟齬。謔浪笑敖等句。終難強指為周公時之詞。是首篇已不能信為周公所作。則釋地一篇。郭景純將何所見而定為殷制耶。且不特此也。周禮一書。漢儒竝云周公所定。乃以周時經典證之。周官本文職方九州。不過舉春秋之興地。豈真求志書院課藝。輿地。

輿地

七

周初開國時之九州。更何論爾雅釋地。必據為殷制也哉。

且篤雅有節。周禮一書。漢儒竝云周公所定。乃以周時

風公也。有節。周禮一書。漢儒竝云周公所定。乃以周時

風公也。有節。周禮一書。漢儒竝云周公所定。乃以周時

風公也。有節。周禮一書。漢儒竝云周公所定。乃以周時

風公也。有節。周禮一書。漢儒竝云周公所定。乃以周時

風公也。有節。周禮一書。漢儒竝云周公所定。乃以周時

風公也。有節。周禮一書。漢儒竝云周公所定。乃以周時

風公也。有節。周禮一書。漢儒竝云周公所定。乃以周時

風公也。有節。周禮一書。漢儒竝云周公所定。乃以周時

書西報土塞戰事後

華世芳

土塞戰事為歐洲一大關係。就土國論之。敗固可危。勝亦可弔。何言之。使其剿滅魯滿利亞。色非亞等小國。而北與俄奧接壤。能保其必無邊釁乎。釁端一開。而俄奧問罪之師不崇朝而至土京矣。故論者為土國計。莫若許各屬立為自主之國。猶不失為土之屏藩。而土亦可免於禍亂。其說不為無見。夫俄有吞土之心久矣。近者俄土交兵。俄雖小挫。大舉深入。岌岌乎其殆哉。然俄若并吞土國。唇亡齒寒。必有所不利於諸國。若英若奧若法。將羣起而爭之。兵

求志書院課藝

輿地

夫

連禍結弱肉強食。歐洲其從此多事乎。

小勝大非福也。況無政之國乎。近者俄師小挫。遂有笑俄之不能軍者。此與小兒之見何異。是篇敗固可。自憂勝亦可。弔二語燭幾遠矣。

不樂得... 土塞戰事... 夫

甚矣。爲土耳其國主之難也。塞爾飛亞國土之屬國也。而
叛土矣。不擊則縱叛而傷國體。擊之則用兵而傷元氣。乃
土決意擊之。且又勝之。而不虞英之持其後而脅和也。蓋
塞之叛英。嗾之也。土國崇回教。與俄國同。英國崇耶穌教。
與土俄異。英行耶穌教於土。土禁而塞從。土責塞英。嗾塞
叛土。以敝土。土敗則并之。土勝則脅之。乃戰而土勝。英遂
以殘殺土人爲辭。巧說諸侯。挾衆以脅和美。其名曰息兵
道。其實則脅和也。嗚呼。英亦巧矣哉。此意惟布國之相畢

求志書院課藝

輿地

完

士馬窺見英隱故英約各國與會而使土罷兵。獨畢士馬
大笑謂諸國命使與會皆瘋癩也。蓋土自誅叛於諸國。何
與焉。且今之土主更有難焉。前主禁英教。旣爲英制而被
廢自殺矣。新主爲英立安。能不從英教。受英制。若屬國然。
於是英喜矣。乃英喜而俄怒矣。俄怒則安得不戰。英懼土
之非俄敵也。乃詭計以緩兵。曰請會諸國議和。曰請緩三
國戰期。陰教土籌戰守具。陰助以兵。售以火器。與以良將。
詭其辭於西報。曰此將乃英已不用者也。於是土爲俄勁
敵矣。蓋土與俄戰。實英助土戰。英懼布之助俄也。故揚言

於諸國曰皆守局外於是諸國皆不出助俄而英獨隱助
土焉英亦巧矣哉且夫土國非小弱也守卜魯得河者兵
凡十六萬拒考克斯部者兵凡十萬國非蕞爾兵非寡弱
而終不能當俄者俄兵營卜魯得河多至二十五萬次考
克斯部多至十五萬都計兵凡四十萬土僅二十六萬耳
恐衆寡不敵終不能勝俄耳然此論其陸兵也以言水師
則土強於俄如水戰莫利於鐵甲戰艦而土有二十艘俄
之鐵艦雖有二十五艘已至土境者僅二艘此外載兵輪
舟亦土多俄少則水師土強於俄也俄長陸戰土長水戰

求志書院課藝

輿地

今

今俄自北而西道遠師勞土爲主而俄爲客土扼黑海之
險俄攻須用水師則俄正恐未易驟得志也況英隱助之
乎且俄兵之進攻也如趨多那河而南直逼土之都城非
用鐵艦則水師不能進攻而俄之鐵艦尙少則水師不能
齊進又黑海與馬摩拉海波斯弗累海其形勢三面犄角
爲土國之天險土以鐵艦守之俄不能飛渡也雖日內五
月中旬電報俄已戰勝土已兵敗退守耳次倫而電報又
言英已籌軍餉增火器赴印度調兵則兩國協力相抗俄
土之戰必尙相持日久也西報多英國之報至各國之報

亦多據英報以傳述其言多英人飾說不足為據有如謂俄須防奧國東襲宜分兵以防之則欲俄之兵分而力弱也且使奧之見兵而疑俄也此離間俄之與國也又如謂俄如直逼土都各國未必允從眾怒難犯羣起而攻俄後悔無及則恐俄之直逼土都而假眾以恫喝之也又西報謂英法謀助土拒俄而布奧二國居間排解者或英言欲拒俄而布奧排解則容有之蓋方今各國大勢分為二黨英欲與法與土為一黨而俄則與布與奧為一黨如日後果英法助土則布與奧必出助俄必更有大戰矣始也土塞

艾志書院課藝

輿地

全

之戰乃其小焉者也夫諸國猶戰國英似秦俄似楚布奧法主猶燕齊韓趙魏惟六國約從以拒秦合英轉約從諸國以拒俄以秦而合從則英強似秦英更狡於秦矣英以爭教立論始終歸獄於英論既奇創用筆更如快利無刀砍陣辟易手入僕作也

伏生十歲就李充受尚書賦

以四代之事略無遺脫

朱逢甲

百歲談經十齡問字。沆瀣相同。淵源有自。李充為秦博士。尚未龍鍾。伏勝作漢經師。曾經雉贄。鄙公孫之騰口耳。說臧三知。虞舜之重瞳。自能明四昔。漢郭子橫洞冥記之言。伏生也。後為老儒。前有先輩。抱夙慧而夏楚無須。為童子而芄蘭曾佩。一經當赴塾之初。十年而就傅於外。法宣聖問於李耳。小子有知。考伏生系出宓義。解人善會。斯時卯角。嬴秦之世。有師承。

求志書院課藝

詞章

全

他日期頭。晁錯受經。以女代。其學於李充也。弱不好弄。好學深思。在李充不知今世為何世。猶欲先知。覺後知念。正學將成。絕學以經師而作人師。慧似童烏。麟兒可教導。如老馬。蛾術以時。妙能脫彼秦坑。信口誦而髻年解否。不必置諸孔壁。中心藏而何日忘之。其受者乃尚書也。四代臚陳。百篇刪次。載唐虞之惟一。惟精念典。謨之欽終。欽始。九疇已得。精微八誥。皆能彊記。堯文自煥。無煩秦近君之三萬言。舜典尚完。不闕姚方。與之廿八字。童子豈惟上口。更奇繩結攻。

聖朝書盤庚何慮罄牙浪說珠煩記事蓋伏生於時僅十歲焉昔黃帝十歲知神農之非顓頊十歲佐少昊而作賈逵十歲六經暗誦而精通太白十歲百家縱觀而玩索薛道衡十歲讀左傳而爲文孔北海十歲指李膺而共樂以此年歲之正同眞覺古今之相若待翼日撰尙書大傳幼學始基卽斯時豈章句小儒神童已博比老彭之好古終作耆儒異武侯之讀書但觀大略而李充則後壽至二百歲焉較堯百十七歲舜百十二歲而旣過比伊尹百有五歲太公百有十

求志書院課藝

詞章

筆

歲而亦殊視召公之百八十歲已經踰算比黃帝之壽三百歲幾欲相符無慚宿學是真老儒高弟九十餘字曰子賤先生二百歲號爲負圖須知聖籍萬年全憑授受豈若樂天七月僅識之無在李充則偓佺比壽在伏生則項橐同奇彼如仙侶此亦佳兒聚一堂之師弟合雙美爲旄倪校魯壁書柳谷之文異讀遊秦時亂桃源之洞相宜無帝虎之形淆二人攸賴縱祖龍之焰烈一字無遺方今

聖朝士盡通儒賢多先達旨究漆書學傳衣鉢德邵不佞

年高經談更能席奪侍

講筵而啟沃

丹陛承

恩用經術致太平。蒼生能活。

熙朝之文治。祚頌綿長。正後世之武成。簡無訛脫。

有作意屬對亦有極工處

文正書院課藝

詞章

畝



齊君意氣凌波水。齊蘇王表。

照時之天。前雅。懸。蘇。王。表。世。之。壯。烈。簡。無。訛。脫。

恩。用。經。術。致。太。平。蒼。生。能。活。

熙。朝。之。文。治。

祚。頌。綿。長。

正。後。世。之。武。成。

伏生十歲就李充受尚書賦

以四代之事略無遺脫爲韻

韓柳文

就傅因時受書明義得秦博士之真傳爲漢儒生之本始經雖授於耄期習已勤於幼穉十齡童子通渾靈之遺文一代異人能典章之備誌往不追而來不拒科定分三由其誠而盡其才術還崇四想夫伏勝之當秦季也際遇亂離迭遭興廢暴滅經文慘坑儒輩得性命之苟全失陳編之所在高祖經營馬上何事吟哦孝文繼嗣龍飛始求記載其人老矣未忘師

求志書院課藝

詞章

金

傳之傳自我得之猶在莊襄之代憶昔兒時青燈味知如攜如取克疑克岐想虞夏商周之世有典謨誓命之詞監于成憲永無愆思能廣益學於古訓乃有獲道在親師百篇每有艱深真噩噩然難解也六體尙分正攝孰諄諄而提命之時有李充者參十例之精微闡七觀之秘邃九共汨作覽其文肆命明居知其意上自帝王下終秦費陳謨數典旣專門而名家作貢演疇復博聞而強識將數千年相沿世次確有明徵況二百歲猶在人閒尤爲異事於是脩弟子之

儀文向先生而咨度。承奉緇帷。追隨芸閣。就正維殷。就將是若。垂髫嬉戲。立卓爾不羣。總角優游。執事居然有恪。縱易象春秋之旨。本悟其詳。惟子姬姚姒之篇。願聞其略。書起唐虞。冀哉尚乎。爲歌爲範。有誥有謨。實言性言誠之始。何觀仁觀義之殊。無如詰屈聱牙。卒難於讀。有欲疏通。知遠恐失之誣。雖經宣聖之刪繁。亦覺惟精惟一。但昧史臣之錄實。不知何有。何無。乃受經而口誦。乃受業而心維。先明章句。次辨支離。本髫齡之所習。卽耄老而堪思。孔鮒先幾。雖已

求志書院課藝

詞章

矣

藏壁中絲竹。祖龍慘酷。不能燔腹內。書辭廿九篇。日麗星輝。傳于聖緒。八十載風流雲逝。惟一經遺。夫乃知學貴少成。理能先達。雖五誥之幽深。等三謨之顯豁。童習慤懃。期頤檢括。偶逢季世。虛挑夜雨之燈。獨抱殘經。未釋秋風之褐。猶幸烟銷竹帛。古書未盡篇。亡都緣雨化杏壇。早歲已如穎脫。

疏辭... 志... 五...

伏生十歲就李充受尙書賦

以四代之事略無遺脫

王保衡

世之讀尙書者皆知傳自伏生而不知伏生傳自何人讀太平御覽學部伏生十歲就李充受尙書引洞冥記充自言二百歲少爲秦博士案史記儒林傳伏生故爲秦博士孝文帝時欲求治尙書者天下無有乃聞伏生能治欲召之是時伏生年九十餘老不能行使掌故晁錯往受之又衛宏定古文尙書序云伏生老不能正言使其女傳言教錯

文示書院課藝

詞章

七

此二說者學者信之乃合之洞冥記則李充亦爲秦博士充行事不概見就其自言二百歲少爲秦博士蓋已至孝文帝世矣而伏生方十歲與儒林傳諸書不同豈伏生受書時尙在秦世歟書闕有間未敢率臆附會姑卽太平御覽及洞冥記所載詳之大抵充則假年以待來者伏則穎悟以紹前哲當尙書絕續之交天然授受得以不墜是亦經學之淵源先儒之佳話焉爰廣斯意以作賦曰
耆宿傳經英髦挺異早慧人奇斯文天畀先生有道

喜來束髮之英。此子非常。欲識聱牙之義。難得經生。並世。耇則壽而幼則聰。從茲彝訓常昭。帝可六而王。可四。懿夫李充之主尚書學也。祕簡天留。遐齡帝賚。曾爲秦博士之官。是先孔安國之輩。安得夏侯家學。心傳而直接淵源。除非伏女天生。口授而能尋沈澹。二百歲長生寶籙。古訓親承。廿八篇典冊高文。後來誰代。何物佳兒。嶄然特奇。有詩書氣。執弟子儀。就傳纔經。能讀典謨。義蘊受書伊始。欲窺蝌蚪文辭。試看頭角崢嶸。不愧後有作者。恰喜衣冠古偉。猶將見而

知之。遂乃杖履追隨。門牆位置。請業執經。博聞強識。得其門者寡矣。在秦灰漢學以前。就有道而正焉。摩周誥殷盤之字。縱說生當異代。親炙師承。豈惟長以十年。禮宜父事。向使索解稍遲。讀書未博。經訓難傳。源流罕鑿。縱得通經百日。信此後之有成。恐將發憤。中年憾前修之不作。感慨山頽木壞。惜哉未得爲徒。搜羅河內壁中。但曰嘗聞其略。況夫體兼誓誥。世遠唐虞。失傳於始皇之代。作僞於張霸之徒。小子聽之。或挹餘音於絲竹。老夫耄矣。誰傳真本於葫蘆。非而

命而耳提。未許交通。曰若況艱深而詰屈。豈徒字識之無茲。乃說經嶽嶽。挺質疑疑。一則穎悟以繼先覺。一則假年以俟來茲。莫是聃龍曠世而爲柱下史。略如項橐七歲而爲聖人師。從此四代文章。復出二人之手。儔說一朝劫火。了無隻字之遺。今日者徐福海上之本。於世無傳。老子屋中之藏。全經已括。惟伏氏之留畬。實文人之衣鉢。爲溯師傳之始。元禮門登相傳幼學之年。戴憑席奪。土生也。晚願祝之以瓣虔。文不在茲。盍觀之如榻脫。

求志書院課藝

詞章

完

賦筆頗佳兼有意義

不亦賦筆頗佳兼有意義
樹以學之至
古清徐履文
生之有欲其無
取取
命而耳提未許交通曰若況艱深而詰屈豈徒字識之無茲乃說經嶽嶽挺質疑疑一則穎悟以繼先覺一則假年以俟來茲莫是聃龍曠世而爲柱下史略如項橐七歲而爲聖人師從此四代文章復出二人之手儔說一朝劫火了無隻字之遺今日者徐福海上之本於世無傳老子屋中之藏全經已括惟伏氏之留畬實文人之衣鉢爲溯師傳之始元禮門登相傳幼學之年戴憑席奪土生也晚願祝之以瓣虔文不在茲盍觀之如榻脫

花鬚

朱逢甲

蜂鬚可以認。闌前戲撚吟髭笑。蹶然但願有花皆壽客。最宜對我亦髯仙。顏紅省識多佳日。莖白遙知享大年。更羨喬松長鬣好。鬚鬣同美暮春天。

詩佳意

花鬚

沈祥龍

芳華漸老數莖添。風外楊絲共鬪纖。微笑不勞游客拂。有香祇合美人拈。白拖蝶粉毫尤活。黃染蜂脂影略黏。斜日含姿春掩映。撚髭吟正倚蝦簾。

哀志書院課藝

詞章

六

合交柳眼

沈祥龍

古道春光轉瞬經。攀條人正玉驄停。洗開濯濯微波影。看徧勞勞送客亭。一笑似他春水碧。幾回盼我故衫青。東風粧閣空遙望。憐爾依依睡未醒。

詩有意

花鬚

王保衡

連朝細雨潤廉纖。織出絲絲香滿陔。捲起蝦簾紋欲補。畫來猩絹頰應添。花如解語三春老。佛也掀髯一笑拈。如絮狂蜂無賴甚。蜜吹捋斷數莖黏。

柳眼

王保衡

爲閱炎涼世故經。不嫌冷落短長亭。生來有眼枝抽葉。老去無花絮化萍。眉畫幾番勞刻翠。情多一例總垂青。憐他睡熟繁華夢。燭照棠紅喚不醒。

花鬢

唐步雲

撚斷吟髭句未成。更從花裏暗牽情。蝦簾拂處披千縷。蜂嘴粘來見數莖。豈爲繁華徵壽考。欲將富貴覓長生。東君畢竟催春老。轉眼光陰又幾更。

柳眼

唐步雲

求志書院課藝

詞章

全

愁壓眉端未久伸。只將青眼託風塵。曉凝煙縷猶含淚。秋老風條尙帶蠶。夢醒隋隄興廢事。閱殘巒岫往來人。年年日落空江晚。窺破離亭一段春。

柳眼

湯日贊

眉樣腰支長未成。春來顧盼已多情。輕含曉露疑彈淚。暖認東風欲轉睛。撩亂喜隨花作伴。矇矓怕見客登程。依依又向樓頭望。惹到人家別恨生。

鬪花

湯日贊

嫵娜春風背人吹。到鬪千曲流鶯聲。熟圍坐依金谷。姹

紫媽紅翠袖。香痕觸輪全局。眉峯青蹙。卻立斜陽獨。

玉蘭鬪草 前調 湯日贊

一雨廉纖。朝來報道窗前綠。鬪紅嫌俗。相約新翻局。清

淺池塘。采采曾盈掬。人如玉。斜隈翠竹。露滴生寒粟。

撲蝶會 醉花陰 湯日贊

風定雲微晴入畫。小立庭心久。鷓鴣飛來對對成團。忒

煞風流透。池邊綠漲玻璃。低試纖纖手。扇重怯難擎。

兜過闌干。眞被花牆漏。

皆有詞意

文志書院課藝 詞章

三

撲蝶會 南樓令

朱昌鼎

花霧鶻迷離。穿花蝶曬衣。弄冰紈悄立階墀。說與荃闈諸

姊妹。情不忍撲雙飛。昔逕逐高低。弓弓舉步遲。忒撩人

東了還西。兜箇雕欄剛捉得。鉤翠袖又薔薇。

萬花興 前調

碾破軟香塵。穠華壓畫輪。走輕雷紫陌添春。十里癡雲飛

不去。剛坐箇踏花人。珠絡萬枝新。繁英聚作茵。乍迎風

紅雨續。緩緩歌中歸去好。裝點出豔陽辰。

詞有可採

花朝考

王 釗

若夫淑氣迎時。二分春淺。羣芳生日。一色花開。乍進農書。已過中和之候。將脩禊事。未逢上巳之期。斯時也。圍發紅桃。原萸綠柳。或放春於野外。或迎富於亭前。或勸稼於農郊。省耕有典。或賜詩於御苑。麗製爭傳。通名挑菜之辰。亦號踏青之節。由今溯昔。有自來矣。然而代凡幾易。例亦屢更。試稽提要之編。為考盛唐之俗。蝶衣爭撲。並會芳辰。蟾魄初圓。剛逢望日。花香三徑。將為拾翠之遊。花影千叢。頻訪鬻蠶之市。泊乎舊規既改。習俗相沿。未變其名。偏殊其

求志書院課藝

詞章

三

候響護金鈴。豔說百花之放。聲催羯鼓。特先三日之期。以十二之佳辰。易三五之明月。未到光輝之滿。天意將圓。早看風景之新。花神競拜。葢芳菲可玩。咸寄興於韶華。而節序無愆。又偶歧於今古爾。自來矣。然而代凡幾易。例亦屢更。試稽提要之編。為考盛唐之俗。蝶衣爭撲。並會芳辰。蟾魄初圓。剛逢望日。花香三徑。將為拾翠之遊。花影千叢。頻訪鬻蠶之市。泊乎舊規既改。習俗相沿。未變其名。偏殊其

求志書院課藝

求志書院課藝

求志書院課藝

求志書院課藝

求志書院課藝

花鬢

朱逢甲

蜂鬢可似認。闌前戲撚吟髭笑。蹶然但願有花皆壽客。最宜對我亦髯仙。顏紅省識多佳日。莖白遙知享大年。更羨喬松長鬣好。鬚鬚同美暮春天。

詩佳

花鬢

沈祥龍

芳華漸老數莖添。風外楊絲共鬪纖。微笑不勞游客拂。有香祇合美人拈。白拖蠅粉毫尤活。黃染蜂脂影略斜。斜日含姿春掩映。撚髭吟正倚蝦簾。

求志書院課藝

詞章

九

柳眼

沈祥龍

古道春光轉瞬經。攀條人正玉驄停。洗開濯濯微波影。看徧勞勞送客亭。一笑似他春水碧。幾回盼我故衫青。東風粧閣空遙望。憐爾依依睡未醒。

詩有意

花鬢

王保衡

連朝細雨潤廉纖。織出絲絲香滿匳。捲起蝦簾紋欲補。畫來猩絹頰應添。花如解語三春老。佛也掀髯一笑拈。妒煞狂蜂無賴甚。蜜吹捋斷數莖黏。

柳眼

王保衡

爲閱炎涼世。故經不嫌冷落。短長亭。生來有眼。枝抽葉老。去無花絮。化萍眉。畫幾番。勞刻翠。情多一例。總垂青。憐他睡熟。繁華夢。燭照棠紅。喚不醒。

花鬢

撚斷吟髭句未成。更從花裏暗牽情。蝦簾拂處披千縷。蜂嘴粘來見數莖。豈爲繁華徵壽考。欲將富貴覓長生。東君畢竟催春老。轉眼光陰又幾更。

柳眼

唐步雲

求志書院課藝

詞章

全

愁壓眉端未欠伸。只將青眼託風塵。曉疑煙縷猶含淚。秋老風條尙帶蠶。夢醒隋隄興廢事。閱殘鬪峴往來人。年年日落空江晚。窺破離亭一段春。

柳眼

湯日贊

眉樣腰支長未成。春來願盼已多情。輕含曉露疑彈淚。暖認東風欲轉睛。撩亂喜隨花作伴。矇矓怕見客登程。依依又向樓頭望。惹到人家別恨生。

鬪花

點絳脣

湯日贊

嫵娜春風。背人吹到闌干曲。流鶯聲熟。闌坐依金谷。姪

紫嬌紅翠袖。香痕觸。輪全局。眉峯青蹙。卻立斜陽獨。

蘭草 前調

湯日贊

一雨廉纖。朝來報道窗前綠。闌紅嫌俗。相約新翻局。清淺池塘。采采曾盈掬。人如玉。斜隈翠竹。露滴生寒粟。

撲蝶會 醉花陰

湯日贊

風定雲微晴入書。小立庭心久。驀見蝶飛來。對對成團。忒煞風流透。池邊綠漲玻璃縷。低試纖纖手。扇重怯難擎。兜過闌干。嗔被花牆漏。

皆有詞意

朱昌鼎

求志書院課藝

詞章

空

撲蝶會 南樓令

朱昌鼎

花霧藹迷離。穿花蝶曬衣。弄冰紈悄立階墀。說與荃闈諸姊妹。情不忍。撲雙飛。昔逐逐高低。弓弓舉步遲。忒撩人東了。還西。兜箇雕欄剛捉得。鈎翠袖。又蓄微。

萬花興 前調

碾破軟香塵。穠華壓畫輪。走輕雷紫陌添春。十里癡雲飛不去。剛坐箇。踏花人。珠絡萬枝新。繁英聚作茵。乍迎風。紅雨繽紛。緩緩歌中歸。去好裝點出豔陽辰。

詞有可採

